

寵
眠
風
雅

卷九之十二



龍眠風雅卷九目錄

木厓潘 江蜀藻輯

京口何 黎雍南 叅

同里李 雅士雅

吳用先 三十一首

胡 瓚 六首

姚自虞 一首

方大年 一首

方大猷 一首

方大鎮 十八首

齊鼎名 五十三首

胡 珍 二首

方學權 一首

方大益 一首

方大式 一首

龍眠風雅卷九

水厓潘 江蜀藻輯

方大鎮

字君靜號魯嶽萬曆己丑進士授大名推官擢御史巡鹽浙江陸大理寺丞晉左少卿所至皆有實政特疏為陳簡討憲章胡布衣居仁請謚士論躋之與高顧鄒馮講學于首善書院淵源其父明善先生之有魏瑄毀書院公筮得同人于野遂乞休自號野同翁七十廬母墓而終所著有易意詩意禮說文集語錄數百卷門人謚為文孝先生

孔廟

下馬入闕里齋心拜遺像廟貌王者尊春秋盛肸蠁誦讀空有年今茲快瞻仰聖道本日星如何墮榛莽酌彼洙泗泉覆幬無下上尼山不可攀攀者非一往天地作宮墻金石至今響

富池驛

曾聞山鳥掌中食今見江鳥帆上集舟人團飢擲虛空
羣喙啄之無一失相傳此鳥似有神飛舞迴翔長近人
翻笑三更蜀帝魂萬古熱血啼殘春

勘獄黎陽值雪

飛旌破清曉舞雪何翩翩郡邑不百里陰晴如兩天冰
從黎水下雲自大伾連應有鄒陽泣誰為一解縣

癸丑余自中州以九月三日解任八月抵舍望日

壽母二弟君節成進士亦以三日履任刑曹不

約同期感作是詩

霜露滿天地琴書仍草堂世情危灑瀨吾意快滄浪白

髮迎門喜黃花注酒香一經懷二魯羔雁愧元方

一自登車後中原感慨多田園盛朱邸雨雪散黃河鴻

雁秋歌切豺狼晝影過也知人避馬終不勝烟蘿

龍冲見趙中丞墨跡

一入龍冲路因知黎水源溼雲翻瀑布陰樹劃天門訪

隱惟村老逃名只酒尊中丞題識處怪石長荃蓀

題浮山野同巖

天啟甲子筮得同人于野因題此巖

浮渡吾鄉里虛舟免問津有巖堪刻字何處不同人太

古歸高咏傳家此析薪天池原易汲滿酌洗紅塵

蒼巖

蒼巖萬丈控陁關一磴巔屹一手攀礙日叢林寒玉井

憑空複道駕龍山香浮几席仙人下雲接招提帝子間
丘壑煉成牛馬走風塵慎重鬢毛斑

王乾山之撫州

劇郡誰提聖主封一封標出舊司農符分漢殿銅爲虎
雨過徐州馬是龍江上烟波憐獨往客中鷄黍喜相從
恒山一道君先度還踏匡廬第幾峰

長安春興二首

蓬萊日轂擁天顏玉殿高居霄漢間赤汗如雲羅紫塞
黃金爲土貢青山繭絲使者貂冠出露布將軍鵠印還
正是平陂憂十漸衰衣曉夜不曾閒
春風燕市晝蒼茫何處荆高醉酒場一筮斜陽寒易水

千秋俠氣掃阿房吹光久拭雙龍劍卧雪希聞七寶床
共道陸沉堪避世可緣虎鼠薄東方

贈高景逸先生奉差還

本爲諸公負笈來祇因飄散各徘徊使旌北道春三月
講席東林第一臺吾道自看川上月天心呼出臘前雷
惠山登眺應多暇寄我寒泉可數杯

丁未十五日謁先高祖天台令祠

百里分符許致身三春時雨足車輪兒童九月喧馴雉
天地千秋黯絕麟霞起赤城標畫棟雲高玉笥護貞珉
當年賸有桃花米歲歲春風入藻蘋

贈成都諸公

清署優游愧伐檀星槎歷盡萬重灘人經鳥道雲霄接
峽急猿聲雨雪殘石竹老知臣節苦錦江波識帝恩寬
功高上賞諸公事做轍無嗟行路難

壽吳觀我太史

溪社盤桓舊結盟好掀塵尾聽無生年深甲子人逢絳
歲掃庚申誰姓彭日永上樓金紫秀春臨高閣蕊珠清
毫端天地長如此衝破青雲不附名

和何芝嶽太史雪僧雪姬詩

原來火宅本清涼水月成田種道場天以大青還縞素
筆將太白攪玄黃身披祇樹霜前色骨沁梅花冷後香
一陣清風朝日出不妨玉塵掃空王

尸陀林裏總堪疑空谷無根放一枝冷斷巫山誰是夢
飛來石女自招詩婕妤純素新裁後學士冰團欲煮時
最是玉堂能白戰香爐紅火莫相思

丙寅七月既望泛白鹿湖不疑先題兒炤繼之因

卽其韵

賦手曾開赤壁秋祇今白鹿卽黃州月從既望收佳客
天命平湖畫小舟山雨送涼堪痛飲晚雲開霽見清流
親依寶鏡裁新句老眼還須秉燭不

吳用先

字體中號本如萬曆壬辰進士初爲臨川令

七年守正不阿隨牒除戶部主政尋改職方
典閩試稱得人累遷浙臬爲政平恕晉右布政推
方面第一擢都御史巡撫四川時播爲蜀患公督
大將劉綎討平之神廟嘉其功特賜考績以病
乞歸又八年起通政使以樞貳總督山西陞辭改

薊遼總督首建防禦十策瑞禍起致政歸卒于家
崇禎初特賜贈蔭祭葬所著有周易箴語寒玉山

房集
行世

重陽日雅州視師作

遐荒多晦雨九日喜晴旭乘霽望茶蒙翠黛迎遐矚溪
流常在耳潺湲無斷續置身山水間宦况詎云俗烹茗
焚異香對酒采黃菊何事復登高几席烟霞足三秋一
轉盼萬事空碌碌浮榮非所懽願以安全蜀商風振鼓
輦寒日照旌纛克敵如摧枯掃此狼烟酷

重九雨阻勝遊酌家芙蓉閣

荏苒秋云暮霜露忽淒零片雲挾雨飛寒風肅肅生佳
序當九日虛負登高情謀婦具杯酒携向家園亭佳樹

牖中列鳳臺堦下陳敞閣暢玄覽清訝發妙音仰霄聽
候鴈窺川俯遊鱗馨香摘蘭蕊斟酌泛菊英雖阻賓朋
集聊與骨肉親林泉有真樂吾欲薄榮名

花朝前五日朱憲昌同林季偉江禎生素園小集

分得裏字

甞稅塵鞅還舊里叢桂幽篁吾所止三徑適然半掩扉
焚香宴坐春風裏賸有水石佐蘭尊時看烟霞生琴几
况值中和節氣佳花事殷殷簇紅紫枝頭一鳥弄新聲
頓滌煩襟清人耳座中有客並琳瑯藻句續紛動盈紙
大言如玉小言珠故侶新知倍堪喜不分晴暉向夕沉
坐待明月山間起勸君有酒休便辭眼見春光似流水

署中桃花盛開
春光已過六十日衙齋不見春消息昨夜東風入絳桃
枝頭盡染胭脂色曉來少婦倚窓紗妝成臨樹自矜誇
豈知朱顏易銷歇安能歲歲如桃花
八功德水
聖水多靈異香生泛沼蓮樓臺三世上松柏六朝前逕
曲花宮敞山溪石室懸維摩與大士說法尚依然

登來青亭

臺迴開涼榭山高擁帝城亭從雲外建人似畫中行翠
壁垂蘿滿青天度月明况逢支遁話頓覺六根清

吳興舟中泛月

早秋問霽色爽氣淨長空疎樹明晴影寒流蕩晚風層
霄無點翳破浪有飛篷對此清虛境扁舟似畫中

苦雨

正月連三月何曾十日晴陰霾花減色冥晦鳥無情虛
室侵書潤閒堦積蘚平最嫌舒晚照猶帶黑雲橫
登虎丘
獨擅吳中勝禪林傍翠隈劍池開絕巘石鏡展平臺嶽
色千年秀爐香萬劫灰碑陰尋古字一半觸莓苔

贈貝林上人

絕頂空山寂惟將貝葉翻梵書窮本末密呪演朝昏世
汰了無染禪心終不言孤雲時獨往流水護柴門

奉命撫蜀川東道中偶拈
自昔空歌蜀道難而今險阻備征鞍天隣五尺車還土
路入千盤嶺更攢叱馭王尊惟報國渡瀘諸葛早登壇
此行祇欲邊疆靖奏凱聲聞卽挂冠

寄黃貞父

曩與貞父時探西湖之勝御清
晴而聽芳詞今杳然如夢矣

濯錦江頭看碧波懷人無奈月明何酒間雅調尊前絕
湖上幽尋夢裏過水部風流真慷慨巴川節鉞愧蹉跎
夜郎若得烽烟息竹閣還來訪綠蘿

竹樓余與
貞父共建

過淇謁殷太師比干墓廟

駐馬振衣謁太師精忠耿耿動人思一腔熱血爲誰剖
七竅丹心祇自知故國舊墟荒草斷幽祠孤塚白雲低

古今不盡興亡恨閒倚春風聽鳥啼

湯養仍貽書以詩答之

不見維摩十數年毘耶丈室想安禪故人離索誰堪語
白日蹉跎祇自憐芳訊入懷珠滿牘琅函展誦舌生蓮
如君交誼凌千古楚水吳雲思渺然

奉祝客卿太史五袞二首

桐川才子玉堂仙謫向人間五十年註疏萬言珠自貫
題詩一字玉堪鐫長生願效岡陵祝不朽名將日月懸
我亦大羅蓬島客蟠桃遙寄入華筵
蚤從金馬遂初衣鎮日安禪晝掩扉丈室維摩堪示病
碧山學士久忘機心如明鏡同圓照舌是青蓮說法微

願海無窮常住世人天眼目共皈依
五峯青巖瑞雲洲
空外雨中登徑山與澹居上人夜坐
支室聯筆掛示麻
碣石開山意若何靈崑千載鬱嵯峨
幾盤翠岫穿雲度
十里青松帶雨過寶蓋烟蘿香霧裊
珠林鐘磬梵音和
清霄喜對支公話把臂中峰一浩誦
語盡萬言君自貫

送澹居歸餘杭正寒二首

方外知交絕世情倏然飛錫到蓉城
來時寒照三巴雪
去日春啼二月鶯巫峽迢迢層嶺翠
洞庭渺渺片帆輕
送君高卧徑山裏余亦歸尋鷗鷺盟
故人猶索新詩
連上三章仍奉勉留之命歸心如焚賦此撥悶

璽書新見九重來三錫溫綸不許回
鰲戴愧無涓滴報

樗殘豈是濟川才身非金石憐蒲柳
意在烟霞戀草萊
歸夢况驚搖落候不禁秋思滿琴臺

莫春得家太史客卿叔書却寄

處處垂楊處處鶯楚天吳水動離情
竹林肯負烟霞侶
蓮社終期鷗鷺盟忽報瑤函青鳥至
遙知丹室白雲深
多君已契無生旨九轉何須大藥成

繇采石達牛渚

翠嶺江亭入翠微江濤鎮日薄烟霏
蛾山對峙天門闢
牛渚中澄玉鏡輝幽樹何心來夕照
好風無意入人衣
月明猶自當年色白也風流去不歸
滄海一曲白爾
自白門歸雪中齊重客移席祖餞有贈步韵留別

壺榼相將日已斜閒亭對飲聽琵琶寒侵肌骨全憑酒
風攬瓊瑤亂著花譙閣五更偏遣興郢歌一曲自稱嘉
來朝匹馬金陵去寄跡人間不問家我風無意人人送
齊重客示除日立春詩索和用賡原韵
居諸荏苒歷風塵六十韶華夢裏身曉漏矇矓驚送臘
穉兒踴躍起迎春椒花入酒陽和轉梅蕊窺闌淑氣新
樓望四山皆白雪歌來郢調倍精神
借眠菴

人世總蘧廬心空境如借栩栩莊夢醒北窓明月射

秋影亭

金風下一葉月光不可掃幽亭堪據梧閒雲過飛鳥來

寄大海禪師

鳥語花開憶舊山樓高百尺萬峰間却憐紫竹蕭蕭處
獨有真僧晝掩關

春日署中有感二首

半百浮生嘆轉蓬客窓無語對東風春光不管人頭白
楊柳青青花又紅

駘蕩和風颺柳斜龍山雲樹望中賒驚心最是春三月
辜負一年桃李花

送田姬

當筵一曲唱陽關我自微醺卿自還携手下階孤月出
分明照見別時顏

玄墓閣上望太湖

和日晴烟向晚收平湖縹緲水悠悠月明不盡看山興
更上華嚴自倚樓

雪中登五臺山二首

懸崖絕壑幾紆盤贏得山川畫裏看
磴底鳴泉千丈練雲邊飛雪萬峰攢

山色琉璃滿四圍霏霏片片點人衣
藍輿不盡登高興肯似山陰放棹歸

齊鼎名

字重客蓉川公之孫與弟琦名並有文譽屢
踏省門不收因遨遊四方嘗曰大丈夫目當

飽天下佳山水臂當接方寓賢士吾必不負此七
尺也一時海內各流倒屣延致同里如何相國如
寵吳宮論應賓胡大叅璜吳司馬用先劉大理胤
昌皆樂與之遊詩文唱和風流弘長晚年刊落浮

華鏡意撰著輯姓史五十五卷所著有刪緜集諸稿

雜咏

惠施奄物化莊生結此舌鍾期不復生伯牙絃亦輟
六合豈不廣知音寧再得夏蛩難語冰蜀犬安識雪

吾愛鴟夷子霸越遊五湖所至營千金將無行李污吾
慕魯仲連功成賞不居蹈海恥帝秦飄然雲與孤烈士
自有心俱足全其軀悲哉雲夢後待烹何其愚

漂母哀王孫望報非所思浣女憐英雄仗劍決其疑
蘓秦傲黑貂嫂不為之炊買臣昔未貴生妻請去帷貧賤
士之常知遇胡可期舉世尚皮相促促靡所之
富貴欺大鵬怒而飛浮雲垂其翼斥鷃捨枋榆翛然亦自適
鳳

龍眼風雅卷九
鳳雖苦饑寧爲腐鼠嚇冥鴻無所謀慕者空加弋人生
石火光濛汜何相迫鬱鬱苦自煎少壯頭忽白富貴如
可求執鞭吾不惜

寶劍篇

君不見斗門山高接天鬼母夜哭愁雲烟紫氣搏風撼
牛斗中有神物理千年由來神物出有時石函迎刃光
陸離龍鳴虎吼文如龜田夫目眩不敢窺狂呼奮擊瑤
鐔折精芒墮地寒雲飛鍾靈無乃真宰忌何物瓦全悲
玉碎雷轟電繞百怪滅芙蓉一片秋空裂青苔日午翠
色流硃砂半漬當年血悲鳴中夜思其雄令人轉憶張
司空英雄意氣貫白虹折衝起舞驚猿公君不見晉鄭

與師圍楚國引劍登城士卒惑又不見延平津上化爲
龍沒水求之不可得千金一擲買純鉤豪曹巨闕邨敢
儔只今南北羽檄飛神州我欲提攜四海遊左斫單于
頸右斬越王頭功成畫麟閣談笑取封侯安能久事筆
硯常窮愁

登嶧山四首

策杖度崑巒星辰掌上看丹爐黃葉合碧殿白雲寒禹
貢孤桐老秦碑小篆殘振衣凌絕巘選石坐盤桓
鬼斧何年鑿山靈酷好奇懸崖瀑布落怪石纍丸支寂
寞羊車冷紆迴鳥道危不妨風雨惡隨處倒金卮
不淺登臨興峰頭坐未還洞疑通地肺人似叩天關海

色虛無裏鐘聲杳靄間雙仙有靈藥乞取駐紅顏
芙蓉削五華雙袖拂烟霞石罅玲瓏出雲梯上下遮秦
皇曾駐蹕郝鑒此移家回首人間世秋空落日斜

初度

爛醉酬初度生涯竟輒軻愁隨貧共駐年與病爭多禮
泔淹城市山林想薜蘿吾希抱甕者何事五噫歌

同林渡之諸君飲張立夫園得青字

落日登臨好樓臺混紫冥梨花幾樹白芳草數山青
谷應簫聲響風吹酒態醒莫辭明月上春色易漂零

江舟夜雨解悶

青燈黯澹看杯酒不成驩歸夢江聲破孤衾雨氣寒
祇

嗟人面薄誰問客衣單一水家山隔高吟強自寬

燕子磯晚眺

孤櫂殘霞引危富倚杖登潮聲連鋏甕雲氣護金陵
燕掠江邊雨烏啼樹裏燈六朝歌舞地猶自說山僧

遊金山寺讀胡虞部詩有感漫賦

如練大江澄空山翠色凝波心標古寺洞口引歸僧烟
渡迷楊子寒潮接廣陵驚人佳句在欲和媿無能

吳宮懷古

寂寞故宮荒烟波正渺茫采蓮猶有曲響屨已無廊葉
落黃鸝老河明烏鵲涼江流渾不盡應與恨偏長

登虎丘寺

琳宮翠幾重倚杖眺諸峰靈跡金銷虎清池劍化龍舞
衣留蔓草寶曆學芙蓉頓覺浮生幻西風急暮鐘

蘇東坡四弟濯龍館成賦二首

市隱余將薄幽棲爾自偏庭花嬌浥露岍柳老含烟曲
水堪浮白虛窓足草玄到來機事靜相對興悠然

平野舟車穩滄波水檻浮漫呼石作友寧藉橘爲奴接
葉藏黃鳥緣溪狎白鷗好奇兄與弟不淺淡陂遊

蘇東坡上巳前一日清明飲燕及南莊

舊隱南塘處新營更可憐翠深楊柳岍香滿菜花田曲
水先修禊村酤不禁烟醉歸幽興暢纖月馬頭懸

蘇東坡同燕及遊齊山

來遊三載隔瞥見柳垂堤與客尋僧話當窓聽鳥啼石
奇循罅轉帆遠飽風低合我移家隱山名舊是齊

平昌得越石薦章志喜

劇郡勞吾弟殊方得薦音似看循吏傳差慰旅人心灘
險迴波激崖巉灌樹深衰顏畏嵐熱取道入山陰

蘇東坡池陽旅夜

客舍仍多病淒涼轉不勝藥囊全仗友繩榻半分僧潮
長寒生夜窓疎雨暗燈無眠數更漏歸夢杳難憑

蘇東坡七夕苦旱憶登衡兒

故里久無雨他鄉又見秋雙星渡河漢孤客限江流書
斷嫌兒懶年荒重婦愁不知今夜月何處照針樓

遊淨渡山石龍峰
醉倚峰頭跨石龍
仙人蹤跡蘚苔封
關前欲墮三門月
樹杪初聞半夜鐘
坐覺水光侵澗竹
行看雲氣入崑松
老僧亦解譚玄意
指點青山到幾重

容舍送趙生遊武夷

壚頭拚醉酒頻賒
一曲離歌日又斜
何處憐才無地主
暫時分手卽天涯
大王臺上雲爲幕
玉女峰頭雪作花
最是閩南名勝處
莫將遊屐老烟霞

吳斗野白雲巖山莊二首

仙郎青髻挂冠年
咄咄疏公未是賢
早把身從明主乞
懶將腰折督郵前
竹邊小屋藏茶鼎
樹裏橫塘過酒船

願得廟廊無闕事
北窓紅日任高眠
一丘儘可作生涯
事事真如隱者家
細雨池塘飛鷓鴣
晚風樓閣護烟霞
已栽陶令門前柳
猶種潘郎縣裏花
急管繁絃銷晝夜
應知不復戀京華

登岱嶽四首

躡屩東來禮岱宗
青天一壁削芙蓉
懸空飛瀑晴沾袂
度壑浮雲莽盪胸
漢祀尚留司馬草
秦封猶見祖龍松
由來帝座通呼吸
昏黑還登日觀峰
日湧扶桑海色丹
峰高四月晚偏寒
天門縹緲三千界
鳥道紆迴十八盤
無字碑深春草繡
曝經石冷雨花殘
倦來濟勝渾無具
欲向仙人覓羽翰

高居青帝敞琳宮齊魯迢迢指顧中玉女池邊虛皓月
丈人峰頂起雄風松枝半落龍鱗老華表千年鶴影空
夜半披衣發長嘯一時空谷響玲瓏六門懸鐘三千果
倚天御障亦雄哉回首滄桑重可哀誰向烟霞藏玉檢
欲將名姓問丹臺爐香暗自雲邊落練影遙從海上來
何人入間婚嫁後飄然身已在蓬萊空乘紫氣出

胡水部招飲任城太白酒樓

下有浣筆泉

太白高樓濟水濱諸川歷歷抱城闈當年不盡池中墨
異代重瞻醉裏身明月可堪呼佐吏青天何處問詞人
仙郎愛客偏投轄絕勝風流賀季真出觀氣
將赴胡虞部燕市之約惜別吳太史

春草萋萋烟樹迷同心何事又分離身閒有嶽遊禽夏
母在無田隱介推坐上雨花君自落客中風木我增悲
縱令地主交如石那得天涯鬢不絲

再別胡虞部

天涯節候感蹉跎握手其如別恨何徐庶辭劉心獨苦
莊生吟越病偏多愁來雪路迷鴻雁歸去春山長薜蘿
最是郵亭相憶處梅花月落影婆娑

澹居山人閉關天目忽至宛陵以智脫湯太史難

復入燕臺爲之昭雪訪余胡虞部署中感其俠

氣尚存卽席賦贈

遁跡孤峰老歲華偶然飛錫向天涯遠公夢冷蓮花漏

季布身藏廣柳車宛水風波平指顧薊門霜雪洒袈裟
看君劍術遊三昧袖裏明珠轉自嘉

朗目大師護勅藏歸浮山復往沁水弔劉晉川大

司空

五載長安事聚沙風塵原不惹袈裟十行翰墨歸龍藏
滿字真文笑鹿車寶手布金成貝葉點頭拈石是蓮花
西行繞罷尚書塚莫遣空山閉紫霞

擬悼隋宮

宛轉迷樓最有情春光夜夜駐雕甍李花雪遏嬌歌響
楊柳風低艷舞輕江上龍舟終不返岍邊螢火乍還明
東流似寫人間恨猶作遼陽鏤騎聲

和何康侯雪僧

亭亭一衲映瑤闌雲際虛誇捧露盤錫振碧空驚鶴繞
鉢澄白水毒龍蟠袖珠玗瓌逢人贈指月朦朧好自觀
不向俗塵生熱惱禪心元共水精寒

雪姬

姑射仙姬玉不瑕妝成綽約謝鉛華衣裁湘水雲光逼
釵簪隋珠月影斜漫儼尊前吟柳絮偏宜額上點梅花
冰心一片誰堪許冷落人間繫臂紗

秋日陪仲良寧侯同燕及未沫登投子山

高秋聯騎引行軒寶地曾開不二門隱隱山形留佛跡
萋萋草色怨王孫俯臨城郭千家小遠眺江湖匹練翻

惆悵趙州橋上坐寒雲漠漠鎖黃昏
驚心鼓角助狼烟戴逵難戀山中隱
蘇晉長逃醉裏禪
獨喜故交霄漢上詩筒猶不阻江邊
燕及未沫王化卿過余溪上觀百節龍燈
誰結飛龍萬錦燈五花池煖濯春冰
參差鱗甲天然巧宛轉精神畫未能
領下寸珠將月闔頭邊尺木借雲升
技成甘謝朱泚漫且醉尊前酒似澗

吳客卿少余一歲曩以二詩壽余茲當五十初度

賦贈聊酬

悟却邯鄲夢裏身抽簪早已出風塵
白牛露地常隨我黃鵠摩天不近人
才掩西園吳質富官如南海隱之貧
茲辰莫遣中懷動往事都消漉酒巾

懊儂歌三首

綵繩不盈尺鴛鴦繫不去柔腸若箇長
繫郎心不住歡心如轆轤一日幾轉移
妾若三眠蠶難斷腹中絲儂憎牛女星
阻隔銀河影儂愛雙鴛鴦夜夜常交頸

三敗何勞十萬兵壇前一劍任縱橫
本貪仲父千金諾不道齊桓不倍盟

豫讓

青眼風牙卷九
漆身吞炭最堪悲
意氣由來國士知
自是報恩疎劍術
可憐空擊趙囊衣

三汲蘭相如萬其
壘前一險升繁
謝本貪物父千金
澠池進鏡亦雄哉
持璧何須衣褐
迴不是龍蛇能幻
跡秦王地下已成
灰
一諾深深仗劍行
暫逢知己便輕生
可憐滿志藏刀日
博得人間哭市名

魯連
從來龍性本難馴
蹈海辭金不帝秦
血濺聊城生碧草
至今陰雨泣青燐

范睢
難將一死塞深仇
忍溺終爲萬戶侯
莫道綈袍堪戀戀
亾情只爲魏齊頭

荆軻
高歌易水淚沾裳
一騎西行犯虎狼
最是樊生偏飲恨
誰憐七首泣咸陽

范增
鴻門玉玦不勝情
從此君王獨遠征
骸骨歸來秋草裏
漢家分醢過彭城

時彌衡
懷中一刺向誰投
千載空留鸚鵡洲
芳草萋萋江水濶

思君嬾上仲宣樓

胡

瓚

字伯玉號心澤進士澤菴公之子萬曆乙未進士初授工部都水主事分司南旺疏濬運道有功充會試同考所取皆名下士累擢江西右叅政予告歸里聚書萬卷坐樓頭日閱一卷以自娛所著有史乘尚書過庭雅言解慍堂集

宿林泉

朝乞岱岳靈暮投泗水濱試問何為者驅車良苦辛稽古文命聖大智罕所倫祗緣念方割孜孜迄平成南衡還北碣東蒙復西岷寸陰羗是惜矧我猶衆人帝德通玄佑瓠子久無薪九州來玉帛轉漕伏波臣荷甬遙千里于役歲三旬入山尋地脉繫有川澤因胡為懷醜毒跋涉憚荆榛枕流宵不寐披衣問前津願言助高厚効

此涓與塵

太公泉

靈源泄汶水傳說在山隈泉湧珠池迸流從銀漢來里名仍舊蹟地脉喜新開我欲乘槎去飄然上釣臺

和太史何康侯年丈南池韵

供奉仙班玉署郎新詩為寄墨淋浪自憐寂寞分曹冷誰解炎蒸直閣涼嘉樹敢忘宣子譽亂荷猶襲令公香雄名漫說塵工部檢點平生只酒狂

丙申暮春倪紹傳年丈約為浮渡之遊已有公事

鼎季物故又復二年適新志成不勝存歿之感

浮渡重遊為探奇得來仙仗共追隨披圖忽憶雙鳧鳥
此太應題墮淚碑

濟上喜逢朗日主人兼呈客卿太史

當年浮渡曾飛錫此日松枝忽向東名理談來知幾許

瓦官高座獨深公

署中懷客卿太史

仙郎病後已忘機剩有同心案與齊見說浮山今更勝

囊空不用買山棲

胡

珍

字仲玉號懷澤水部伯玉公之弟也

登梁山二首

我昔乘槎海上來青山相對望中開白雲爭負仙人掌

碧漢遙通織女臺

話君擬是十年來醉酒還疑千日杯不向禪僧聽半偈

已隨烟霧出塵埃

姚自虞

字智思號似葵葵軒公叔子萬曆初歲貢始

膠序痛不及見則益相砥礪以明經久次貢春官
因和感懷詩自是和者接踵公實倡之性孝友方
正束修率賄諸兄弟李弟尤貧為置產輒廢則更
置如初嘗授經某家且辭去及代者事敗乃服
公長者子之蘭令海澄嘗校士公廨家郵至左右
避之舉視則教子廉慈語不及他吏民為之嘆服
所著有白石山吟墻壁語
助澄心子雜說皆失傳

奉和先君子感懷詩

虞以諸生謬與香廷試觀帝京之偉麗九陌三

條望建章之弘敞千門萬戶心懸昔者意感來

茲寂寞青氈慨長轡之未騁蕭條縞兔對短褐
以興悲因步先君子感懷詩韵率賦一章言意
不窮欣感并集

澤宮遺制主恩殊對策天人豈漫如雉尾欲開雙闕迴
鳳樓不盡五雲孤青衫未敢悲牢落紫禁何緣逐拜呼
獨有蕭蕭風木怨白楊飄渺亦知無

方學權

字與卿號瞻厓詠諧有雅致能詩工畫間寫
文忠蘆雁彷彿其神人間多秘之父易號石
厓有詩集一女亦
能詩皆不可得矣

與子偕老詩

女姪適周子壺山周疾篤女刲臂一嚮進之病

良已姻黨義之爲賦與子偕老詩

我家兩姊能刲股姑有賢婦母有女而我女姪亦能之

河洲三淑皆如許

方大年

字德起號柱峰少洲公次子豪邁有父風博
學強記尤慷慨好義手藁甚富以齋後不傳

與子偕老詩

古云全歸乃能子然則虧體者何指時而泰山愛一毛
時而鴻毛易九死君不見沙場有死臣又不見深閨有
殘人都不求生以害仁

方大益

字鳴謙號龍眠柱峰之弟慷慨與兄埒而好
施不倦兄猶謙讓未遑也鄉人比之王彥方

云

與子偕老詩

我室我室君之妹我姊我姊君之配姊也爲君捐其臂

室也為婦捐其淚從來鬢惘皆知義何必讀書多同志

方大猷 字思儒號石楠邑庠生能忼慨持大義石洲公家殖中圮克振之有詩集失傳


與子偕老詩

仲叔仲叔老且休有妹有妹嬪于周周郎齊眉三十秋
有美含之順而柔妹也賢聲著青史叔有女矣何必子

方大式 字君毅性孝友樂善不倦大母與母俱矢柏舟登大耋邑令徐公以雙節旌之

與子偕老詩

何必非閨秀居然是母儀桂林真有訓松石不無兒
肉非求譽寸心只自知請看千古史博得幾行詩



龍眠風雅卷十目錄

木厓潘 江蜀藻輯

江寧余 懷澹心 叅

同里姚文焱彥昭

何如申 十三首
何如寵 六十二首

錢志立 二十五首
方大晉 二首

龍眠風雅卷十目錄

龍眠風雅卷十目錄

龍眠風雅卷十目錄

龍眠風雅卷十目錄

龍眠風雅卷十目錄

龍眠風雅卷十目錄

龍眠風雅卷十目錄

龍眠風雅卷十目錄

龍眠風雅卷十目錄

龍眠風雅卷十

木厓潘 江蜀藻輯

何如申

字仲嘉號虛白棲霞公之仲子也萬曆乙未與弟如寵同舉進士初授戶部主事日鏡戶按本曹掌故不與讌遊大司農趙公南渚溪器重之督遼東糧儲衛士咸加額乞留久任去之日羣擁輿舁行頂爐然香烟霏數十里歷官嘉湖叅政轉浙江右布政砥節首公以名行著聞引疾歸里圖書而外無長物桐之稱清白吏者咸推公為最焉

夜渡淮水

渡頭疎樹晚淮上片帆過津鼓逢迎急漁燈點綴多烟

青浮睥睨水遠入星河兩岼荆扉掩空餘月滿蘿

陪劉明府龍眠春省

望望青郊遠行行翠岫深片雲團鳥影一水得琴心鳥

道藤蘿外鷄聲桑柘林何如羊叔子留石在高岑

登戲馬臺

澤國山河壯巖城鼓角餘奔流交汴泗密樹引舟車日
落荒臺古烟沉霸業虛歌風懷不盡平望獨躊躇

豐沛道中

曲曲堤如織行行水共斜鷄鳴原上午鴈宿渚邊沙白
日寒衣帶黃塵拂劍花歌風思猛士舊是漢王家

宿桐城驛

極目關河異驚心驛路名已拚千里意忽向一時生寒
雨孤燈色空亭落木聲定知不成寐獨坐夜淒清

遊浮山

珠巖石閣晝陰陰掬水流香谷口溪幻出芙蓉青萬叠
怪來虎豹碧千尋興移危磴苔茵滑步入幽棲花雨侵
何處有人空外語高僧說法海潮音

朗公護藏歸浮山尋之沁水贈別二首

雪竇雲門舊鶴林祗園重貝布黃金蓮開石上香塵近
桃熟崑前寶樹深白氎轉來忘月指青松別後失潮音
布衫皮履元無恙一局殘碁自古今
薙草當年憶遠公拈花此日振宗風驚聞白馬從天外
會有青鴈入夢中幻得袈裟金色界傳來輪藏玉華宮
五雲衣帶勞相送何日松枝却向東

送徐賓嶽之任衡州

一擁麟符下紫宸朱旛直曳大江濱悲歌此日還燕市
岐路明朝便楚臣對惜離尊同作客相看津樹總懷人
瀟湘獨喜多迴鴈尺帛飛飛莫厭頻

送黃中介年兄謫任黔中

天涯岐路惜沉淪逐客蕭蕭出薊門
五湖明月照啼猿君恩豈為投荒薄
吾道翻因去國尊
屈指刀環知不遠交情無奈欲銷魂

送王旭陽年丈冊使琉球

蚤有雙星向海東使臣初出大明宮
一片樓船紫氣中
萬里花旌照海陲殊方爭覩漢官儀
衣冠舊是王臣數

雨露新承天語時

范增墓

好向彭城解鐵衣鴻門一失事全非
至今草野花如雪
猶作紛紛玉斗飛

何如寵

字康侯號芝岳棲霞公第三子萬曆乙未進士時年方二十風度端凝選翰林院編修累

官至國子監祭酒
流弘長天啟五年間住崇禎元年起禮部侍郎
本部尚書尋拜武英殿大學士辛未主考會試得
吳偉業等三百餘人稱最盛試竣以病乞歸
慰留甚至請益亟予告家居癸酉遣行人以元
輔召入公力疾就道至臨淮復乞休賜老陪京
歲給輿廩已再遣行人存問公為相以存大體培
元氣為本事具國史詩文春容爾雅得臺閣體年
七十薨于金陵之賜第贈太保謚文端
予祭葬有加所著有後樂堂集行于世

登薊丘憶樂生

薄遊薊門道獨上黃金臺感慨多悲風悵念何悠哉昭
王四顧心樂生千里才君臣相遇時剖肝寧見猜噓燕
成雲霧刈齊若蒿萊迴望莽蕭瑟西北紛塵埃何人掃
氛翳豁我心顏開長懷霸者圖攬衣起徘徊

感懷示趙儕鶴馮景逸劉念臺鄭玄岳及門人劉

青岳繆西溪四首

人生苟知遇天子若儔伍足可加其腹首可枕其股子
陵固無求鄴侯良有取撫今以揆昔昔賢何莽鹵

織縑與織素好手無新故故人百矜慎不如新人悞君
恩溪所感妾命宜逢妬爲語雙蛾眉時哉以金鑄

文禽潔其羽中道逢健兒聞其殼弦音高飛影迷離鳥

亦何所苦兒亦何所知毆之以叢莽棲之以修枝

少伯遊五湖留侯師赤松君臣僚友間各自有隱衷灌
絳不可伍病亦虔所終豈其隆準帝視與鳥喙同

新安太守唐我求迎亮功往修志傳

吾孫始墮地雙目炯若電試啼識虎子舞象亦豹變氣
欲辟易人每用戒驕煽所宜慎三命不獨破萬卷蠶腹
絲未老鶯舌語初囀無曰當吾也未之或能先牛鼎函
千鍾犀才貴百鍊太守信虛名馳迎修志傳丈夫志弧
矢聊一省鄉甸桑梓與松楸敬恭在親串道逢長者車
辟咥而負劍紫陽有遺書暇日恣漁佃天鄣至人藪順
風或北面孺子非所急老夫則願見春暉善泥人名山

勿久戀茲遊雖有方應念荷間眷

舟中雨後看西山作詩姚康伯來自山中

馬首西山山入塵城頭西山雲欲屯舟行一雨望新沐

西山隨舟如逐人停舟遙共西山語嗚瑟峨峨心自許

萬重雲樹千重烟子昨眺聽在何所

讀史

君不見尹臺襍人一斛麥史雲有子遭呵責又不見仲

山奉母新野傭歸軒不與故友同古人落落自如此以

視今人殊顛泚吾棄鷄肋若草萊猪肝豈復憂朋儕

春興

春陰溶溶花亂飛柳色向暮黃鶯啼清池落影淨相照

槁首無復朱顏時回頭却共少年語來日之日知何許

莫道流光不負人風雨憂愁半寒暑

水部黃二為以非罪謫貴陽賦別四首

何緣恩譴重萬里獨栖遲負青非無故之官未有辭時

危雙足健天遠寸心知龍劍雌雄在延津合可期

去國成何罪投荒定幾年情淡千里外興盡一尊前地

雜羗蠻語風高瘴癘天行藏應自愛莫負故人憐

為有長沙謫千秋念賈生官微仍見放裝薄不成行風

雨還家夢乾坤戀主情相看無限意未敢向人鳴

聞道黔陽路千山與萬山古今烟瘴裏天地成樓閣石

嶺兼三蜀盤江散百蠻南征應有賦翻作壯遊還

風阻

小雨蝕殘日罡風留客船寸程聊幾許羣策未能前野
埠成孤聚荒燈就一眠豈真同緩急也說近人烟

舟夜

人語靜烟洲更遙古渡頭潮生知近海月滿欲盈舟市
亦有時寂天無如夜幽泠然槎上客銀漢一星留

十九夜看月

月早易于落光遲逾有情最憐初不見無意忽能生影
共宵籌緩輝爭曉日明莫言輪漸減一減一孤清

出處

出處道之大盈虛理亦微不緣憎美服何以遂初衣有

徑在松菊此生餘蕨薇一冠彈與挂商較悟前非

新月

霽後憐新月生時就好天有光如尚恡其意欲成圓映
戶一痕澹窺人半席妍幾家聞細語簾捲不思眠

錢爾卓至自吳百里走書見招余病不能往期以

中秋見過率爾口占

消渴元同病遭逢獨數奇薄遊生計拙久客世情疑飲
噉徵雙箸懽愁察兩眉自非親握手何以慰相思

寄荅方赤城侍御

帶若忘腰不減圍年來裾緩素心違過淮權已難乘雪
入洛塵兼欲化衣家本灌園機事少道難逢世宦情非

音耳 居形卷一
碧山今有焚魚者我所思今在翠微
寄荅謝中隱

時情落落指危冠谷口行吟廡下寒自昔虞翻知己少
如今管仲話貧難賦堪取酒非長賣缺縱無魚不浪彈
笠馬相逢慚負久休勞天外勸加餐
范質公倪鴻寶各投以詩范云顧厨俊及推爲首
倪云手障狂瀾有大山蓋爲亮功也詩以畬之
吳橋已具千秋鑑剡水全收一代名帝許老夫優綠
野天留君等護蒼生鴻文自可培元氣駿業何難致太
平孺子頗矜西漢節獨愁黨錮禍將成

歸興

製就荷衣典鷗裘蒿園蓴浦卽丹丘雨暘綠野堪調燮
劍履朱門罷獻酬舍宅繆稱蓮社長下堂不廢筍輿遊
獨餘曉夢聞鷄舞習氣猶懷社稷憂

偶吟

閱盡乘除拙未妨漫將疑事問穹蒼鮭如屬厭惟三韭
食不辭豐滿萬羊幻士登場看轉轂郵亭欹枕待吹梁
客塵近悟西來意消受蒲團一篆香

杜門

谷口雲谿事可師皮冠已謝尚書期謀生累少家如客
學道年深眼似眉微醉罷叅長就枕小吟行藥偶扶藜
非關墜戶容疎放世法衰齡總不宜

讀史

叢狐偽嘯澤蛇真稽古難全信史臣成敗誤論千古事
英雄善賺一時人隆中畊叟評分漢勝下饑兒策代秦
捫蝨未應輸借箸不逢知遇便沉淪

憶西疇

襤襪西疇入夢思土膏兼是種花時晝長日下松關鑰
渚滿風沉釣閣絲稼圃已添新鶴料園規因護舊鷄時
香雲一曲堪爭席寄語隣翁定有期

枕上

天意將霜漏作寒薄稠孤擁思無端偶然得句心殊喜
續不成聯夢已酣一枕邯鄲同蝶舞萬緣傀儡付碁殘

壁燈未燼紗窓白又是浮生隔夜看

崇禎初禩奉勅總裁

神宗實錄恭紀

西崑揆史近宸居領袖羣英典石渠四十八年無逸聖
百千萬代不磨書宵分藜照輝銀管日捧琅函對玉除
繩武倘逢新主問為言祖德邁虞初

自壽有引

聖恩予告兼賜秦淮一廛幸而祁祁十年今不
覺七十老矣春齋行藥欣慨交懷顧影獨哦頽
放自適工拙非所問也時在庚辰閏正上澣賜
老平章恩詔存問歲給輿廩龍眠芝岳老人何
如寵識于石城之後樂堂

五朝遺老乞閒身黃耇緋衣綠野民十載前頭周甲子
半生回首負君親人將祖帳賢疏傳或以辭榮羨季真
不道懸車無異意明農自古屬髦臣
嘉平幾望始孤懸漉罷椒觴便灑然已老幸當存馬日
非賢不畏在龍年寒溫厭聽東山語剝啄慵開北海筵
枕畔南華遮眼熟衰齡尤愛養生篇

歷落中台映少微夕躔餘照尚依依許身盛世趨黃閣
投老名山號白衣似蠹謀生惟食字與鷗結伴共忘機
不將晚節污青史洗耳堯天未必非
伏臘團園酒共傾長將往事說家聲卿無失德終慚長
弟免非才樂有兄雲外松楸成涕淚霜前鴻雁憶飛鳴

如今素髮歌皇覽自撫孤懷百感生

君恩轉覺重難酬曲爲農臣逸老謀詔賜秦淮如鑑水

家依鍾阜作菟裘

再召辭歸奉旨養病南都

草堂幸免嘲逋客瓜市

應誰識故侯却笑古人名累在猶煩十賚到林丘

西疇曾擬賦歸兮轉眼花源失舊蹊鷄社漸稀爭席友

鹿門旋悼饁田妻幾年頰尾籌桑土是處黃巾應鼓聲

何日五風兼十雨酖顏皓首唱銅鞮

待漏曾驚絳幘鷄今看朝旭夢還迷人誰再相阿司馬

古有良朋筭稚圭開閣已難三握髮下堂猶可一扶藜

自非王眷容堅卧能免鐘鳴受品題

白板青林大道邊尋常封戶一丸堅身癯得健猶賒老

音耶 雁牙 卷一
晷短能閒亦抵年不必爲僧顛漸禿未思欹枕意先眠
衰殘習氣應全減萬念消歸五葉禪

羅雀門誰擢雪航自非支遠卽求羊茅峰夜枕丹爐暖
攝頂春筇藥路長蠲疾舊持觀鼻偈讀書重構印跌堂
世兼世出無奢願聊遣餘生一味忙

總貪幽事詎傷廉攬月捧雲日滿簾有地便栽王令竹
無書不挂鄴侯籤閒拈楸譜銷微醉卧看榆暉下矮簷
學道未知何所得唯餘永夜夢魂甜

枯菴疇非雨露恩看花榮瘁悟朝昏微疴自便翻辭藥
熱客原疎不署門弔古每思嚴瀨好貽謀應讓寢丘尊
歸田逸老惟圖史免記平泉誤子孫

黃龍枉自說三關白鶴何須煉九還醉客豈真千日醉
閒人難到十分閒清溪水滿長搖艇紅雨春溪一看山
時至便行無不可幾能塵世駐朱顏

儘教任運百無求難可逍遙到白頭墮地一生真草草
從天卒歲許悠悠不須緱嶺思騎鶴自覺墻東好儈牛
最是俗情無遠韻繆猜同樂與同憂

駢駢四牡下仙班帝語親傳問小山捧得絲綸開聖藻
宛從蓬華覲天顏驚心馬齒應無幾稽首龍鱗不再攀
欲和卿雲歌八百慚無表餌佐時艱

已丑蒙恩遣
太行存問

屠蘇轉喜後春筵避世催人白髮賢樂聖好從耆舊社
買山曾賜尚方錢八公地近分叢桂五老峰遙禮白蓮

不是沈冥忘帝力病臣衰及古稀年

遊龍井山房

蘇詩對人白髮寶琴聖我詩音音

覓得桃源寄草堂未容漁父識行藏入林人共山情遠

度巘雲隨屐齒香閒倩韻僧司水石倦同癯鶴夢蒼涼

文人不似尋常隱鴻寶書成字挾霜

寄荅友人

蘇詩對人白髮寶琴聖我詩音音

西城小市悶丹房坐賦閒居日漸長几借方回妨襍穢

徑開蔣詡待求羊拚除習氣猶餘嬾好讀全書不耐忘

天上故人勞問訊名山一字未堪藏

再過錢爾行草堂

蘇詩對人白髮寶琴聖我詩音音

一月茅堂兩度過追歡無奈故人何開筵水近魚蝦美

卜築山溪松桂多不少幾題淹歲月依然塵榻挂烟蘿

殷勤往事重回首黃菊丹楓滿舊柯

過淮河遇雨

西風吹雨渡淮陽極浦蕭蕭大漠荒呀上樓臺窺水出

渡頭舟楫引人忙陰山十丈黃雲合海氣千家宿霧長

故國不知何處是回頭天際莽蒼蒼

贈友人見訪

五載離羣似等閒忽傳梅信款柴關相思各道年來夢

入坐頻看別後顏榻畔添燈挑夜雨墻頭過酒話春山

因將佳興憐疇昔雪權何妨見戴還

戊寅臘日得錢爾卓書言避賊甚苦賣文為活妻

然賦寄

只言高卧草玄廬誰道干戈正索居盡室依人殘歲裏
一身寄命亂烽餘全生擬學隨陽雁作活思同食字魚
賦罷江南哀庾信牢騷未及數行書

贈鶴

意在凌霄不受憐羈棲亦向水雲邊迂行慣學幽人步
小立疑參野衲禪露冷圓吭通碧落鄉遙午夢遶青田
風前一瞥聊師汝隔竹人窺盡道仙

謝賜藕鮮恭紀

雪藕折冰房分甘出尚方瑤池含味永太華託根香嫩
節抽新紫柔簪曳半黃畔泥花葉偶應月蔓絲長素藕

藍田璧瓊肌玉井霜中虛還外潔自許媿恩光

方赤城新構屏山別業春日同馬六初載酒邀史

伯發謝中隱過訪得春字成排律二十韻

路半依城郭居全洽隱淪始知真避世不在遠逃秦寬
綽纜三畝蒼涼絕四隣渠窮疏水活徑轉縛樓新相地
添亭子栽花揀日辰支分身外累約束杖頭春砌有前
朝樹庭無隔宿塵長吟覘務廣慣懶驗官貧盥罷卽持
帙朋來方岼巾襟期予共爾脫略主和賓偶結尋幽伴
攜將問字人入門聲已辨過臘酒才醇授簡寧辭陋揮
杯莫厭頻禮非吾輩設交似古初淳密坐歸應晚清言
話自晨溪光晴報柳草意軟敷茵山向疎櫺夕烟隨野

青耶屋牙卷一
燒勻酬閒饒景物揖別屢逡巡漸暖天逾好重遊迹未
陳笑他漁父拙忘却舊時津

亮功讀書清涼僧舍詩以勗之

宿慧汝偏具文心久入微但期謀遠大何必羨輕肥事
到僧廬減身應淨土歸若愚真用智歛翼始高飛客展
休填戶花房只掩扉交多防晚節名重伏危機茂行莫
予毒虛懷知昨非定期繩祖武袖簡莫相違

寄懷何克符排律十韵時克符繫詔獄

六月燕霜未可期三年憔悴一身危從來畫地真難入
况復重關不易窺哭漢始知孤憤苦哀湘方識九歌悲
思熏社鼠原非策欲起冥鴻定有時淚盡迴疑天聽遠

舌存深見主恩私遙憐俠氣朱家少浪說交情鮑子知
忽訝論心應已近翻將會面轉相思鄒陽書就誰堪上
黃霸經明志可師禰福總宜占塞馬浮湛豈必戀羈雌
龍精自古干牛斗傍獄風雲好護持

巳卯夏日錢爾卓見訪白門

老不成懽每自傷因君重憶少年場故教儻舍連衡宇
爲可隨時話雨暘星聚豈煩詹太史風清聊與傲羲皇
問囊僅有新詩富對酒猶存故態狂長爲古人增感慨
未容時輩識行藏他鄉見戴知能幾興盡休廻雪夜航

楚中馮僉臬何司理罪狀稅使被逮感賦二章

莫道高天手易捫孤懷今古不堪論爲緣抗疏曾流涕

轉覺長沙負漢恩

消息驚傳一慨慷，纍臣相對泣衡湘。憑添楚水千行淚，

莫作燕山六月霜。

范增墓

宴罷鴻門百事空，腰懸寶玦恨無窮。可憐七尺英雄骨，

歸葬彭城屬沛公。

又別黃二為

一杯酒盡數行啼，悵望千山落日低。春水茫茫春草綠，

孤帆人去夜郎西。

閒居二首

清齋無事縱朝眠，况是辭寒未熱天。啼鳥一聲驚乍起，

隔林遙見午炊烟。

不慕長生懶學禪，休從世路問因緣。年來一種閒功課，

纔向尊前又枕前。

錢志立

字爾卓號鏡水萬曆間諸生師事趙公鴻賜顏公素稱高足以母喪遂罷舉子業闈館叢

桂間聚徒講易先是縱陽童定夫講學于輔仁會館四方人士多從之遊及公主會館邑令劉公時俊謂之曰繼定夫之學非子而誰耶所著書有輔仁遺編菰蘆遜噫鸞里春音集白門金音集年七十四卒門人私謚敬修先生

田家雜興六首

莫問農夫苦田家也自閒，放歌烟雨外休影樹陰間。木

長犁轅曲溪流路口灣，逢人常少禮拄杖看青山。

水耨江南地家家，祇稻梁馬盤秋後種蛙卜社前秧黃。

米安科發青苗拔草償瓦盆盛濁酒神惠大家嘗
渾沌無懷氏依稀自一村曆圖拈作畫桑樹紐成門播
種時還早歸田日已昏但從耕稼外萬事總無論
春日舒筋力終年免噬臍桃花粗糲飯青菜冷酸齏動
脚頻呼子蓬頭不問妻模糊月上起辛苦五更鷄
山地雖云穩湖田信是寬菱蒲還徧野牛豕任拋闌畜
牧看滋息收成儘倍餐十年高下計聞道一般般
春夏初二接家家更覺忙照蠶早上箔打麥夜登場下
脚留纔足醫瘡賣是方買蔬兼換酒明日辦分秧

寄懷吳味玄

結髮論交日今經廿載餘如何三歲別不寄一行書世

道隨波下交情自水如會君濠上意夜夜夢觀魚

暑日雨後東方侍御逢吉

避暑曾無計經旬祇負城層冰空結想一雨忽涼生儘
知山色好其奈俗情櫻應念支願者乘驄何處行

叢生園酬獨愚過訪

自笑叢生裏棲遲跡似黏四圍松樹老終日小山尖闌
世都堪破聞香苦未厭分疏無隱義好待晦堂拈

既別德林微雨寒風愴然念之

容易令君別持杯尚未傾牛毛微雨似馬首北風迎當
此乍寒日何堪前路行未懸西閣榻媿我友生情

省茶二首

音耶風雅卷一
肺病何年積閒居步有遲草芽春氣怒茶笋火前奇久
識陰崖勝新承雨氣滋旗鎗定幾許采焙莫違時
若向東陂去經春茶事興火新知候易雨靜聽泉澄采
焙邀鄰叟烹嘗約寺僧淡香應有觸清味阿誰勝

春日遲桂麓阮二封翁渡樅水

自題尺素寄蓬蒿每日江頭候小舸准擬沿河看弱柳
蹉跎滿院見夭桃春風草色皆堪賞煖日籃輿未始勞
濁酒一杯琴一曲待君消息慰吾曹

登高懷偉長

潮褪江村淨白沙蕭蕭雁影碧天斜溪邊魚響高僧舍
籬外鷄鳴處士家一帶夕陽堪入畫半山紅樹似開花

不勝秋思頻高望白露伊人在水涯

樊圃四首

四圍秋水碧沉沉小構幽居稱我心夾岍楓林紅欲染
覆墻竹色翠成陰山間行徑稀人跡湖外漁舟許客尋
一卷道經閒對酒微醺還弄七絃琴
得圃名樊久息機生平丘壑願無違鳥鳴溪竹林添靜
龍化蒼松樹欲飛闢地誅茅爲室小隨灣取路傍山微
規圓數畝無多地每日經行有是非

依阿築室小山岑快有湖光穿近林半綠半黃楊柳色
時飛時落雁鴻聲東連高阜堪舒望西矚長松可坐吟
種竹遮門今漸密人來溪路覺深深

開園分作隱山淪
挈子提孫共此身
四面長湖漁唱入
一拳小室道心真
風來松檜蛟龍起
水半池塘翡翠親
更有梅花當戶植
年年春色倍先人

對梅奉酬劉燕及廷尉有小序

予既艱居杜門累月一日偶窺兒輩園中肄業
方覩野梅將放聊命杯酒以謝花神忽燕及廷
尉以雨後佚園梅盛開走馬邀君酬瑕仲共看
詩見寄便成俚句奉呈

江岬春風去較遲
野梅猶有未開枝
窺園偶是閒行日
沽酒因成獨酌時
條條似鐵疑支骨
朶朶如珠欲弄姿
未許孤芳終寂寞
傳來官閣賞新詩

江上奉懷胡彭舉兼聞其入閩急弟難

客心何事轉淒其
爲爾相逢未有期
斷續雲邊鴻雁字
有無原上鶴鴿悲
姓名久已逃吳市
踪跡還聞入武夷
暫向江頭留尺牘
故人尚卧北山陲

曩承彭舉贈言有無忘北山之句

過張麗華智井日蕭新邑里

玉樹歌聲猶未收
旌旗十萬滿城頭
官家詩酒臨春閣
兒女烟花結綺樓
固國原無千載計
求生祇爲片時謀
井邊落日遊人度
風起鴉啼幾樹秋

夏日獨坐樊園二首風開

靜對池邊竹影長
斜梳短髮竹冠涼
綠荷似掌承朝露
紅槿無情墜夕陽
已得隨緣觀化訣
翻多秘授養生方

清園盡日爐香燼時有僧來叩草堂
竹色團團上翠微遮藏茅屋客來稀
白雲每見山南起黃鳥時從樹裏飛
忽有好風開我戶乍生明月照人衣
清宵露下蟬聲寂膝上橫琴不用揮

避賊南岍蒙何芝岳相公貽書題詩寄慰步韻奉

答

于今尚說子雲廬舉目蕭條邑里居
到處逋亾烟火燼幾家存活哭聲餘
好悲客弔怡堂燕無奈身先涸轍魚
從古淮南多負固朝天望有晉公書
抵白門次何相公見贈原韻
流離到處倍生傷病死那堪住戰場
偏側干戈森似雨

蕭條雲漢轉恒暘登樓肯信他鄉美
負耜還同載贄皇嘯舞荒鷄何日夢
悲憐司馬向時狂逢車戴笠蒙相揖
歷齒蓬頭忍教藏涕淚天涯無去處
依依還擢白門航

方大晉

字君錫萬曆時諸生

別含鏡齋

去來三月悲生事含鏡羞人夢裏情
壺榼乍攜冬日暖笑談相對暮雲平
極知憲也貧非病莫訝歸與道不行
聚散升沉盡如此書空咄咄爲誰鳴

戊午下第

不是狂夫老更狂偏饒傲骨卧柴桑
敝裘肯悔文章誤短髮慙爲妻子忙
滿眼菊萸憐下第兼天風雨嘯重陽

持螯爛醉秋光裏絕勝華胥夢一場

天風雨雨滿東陽

不覺玉冰生

九千石

乘船我亦盡吸吐

美哉

去來三日

眼合

六六等

龍眠風雅

龍眠風雅

龍眠風雅卷十一目錄

木厓潘 江蜀藻輯

晉安黃虞稷俞邵

同里方豫立子建

阮自華 七十四首

范一謨 三首

姚之蘭 三首


戴耆顯 二十七首

吳應琦 七首

韻部
韻目
韻字

韻部
韻目
韻字

韻部
韻目
韻字



韻部
韻目
韻字

原隰飄蓬似疇昔亂日里中一何蕩蕩號泣于旻天兄
弟不得生面不如從父黃泉

烏棲曲二首

夷光浴罷單紗襪卓女當爐搔玉掃五陵年少本風流
安能棄置取封侯
霞帔雲髻迎風立柏梁臺高月如璧上陽花枝笑早春
瑤林瓊樹避玉人

石城樂

客有歌陽春陽春在石城石城二三月花與儂齊年

枯魚過河泣

枯魚銜索啼作書寄王鮪齊國相易牙慎勿來河濟三

江豐短蠶四海饒鯨鯢羅網爲天地違之安所如枯魚
銜索啼作書寄揚鱗自昔貪芳餌別爾到今朝黃鵠見
揚鱗相戒河水濱違之不敢飲飛遯入冥冥

讌飲歌

飛鳶在天斷雲滿江江上依依遠風白楊綠樹凝盼落
霞窺人高懷厭世雄心汰襟烟塵四塞日有回光豪氣
蕩天轉則徜徉乾坤有身星霜風雨忼慷商歌何如易
水春風絕江歸雁聲哀勉強張目眺予登臺環峰入雲
沉影東流河西豹子至今善謳嘒彼小星烈日西沉能
欺扶桑不欺東溟烈日西逝江聲東還雙鬢蕭疎憂心
中寒綠竹琳瑯清溪漣漪丈夫多暇但有杯酒故人滿

眼膾鯉釀杭與君爲樂不必多言徂日雖邁詰朝不磨
月駛星流秉燭奈何簡須屢草帶索浩吟青山在戶不
厭吾貧焚車縱驥逍遙德園嗚嗚流水邈邈櫺門宛彼
白駒茫茫春草搖搖憶轂有爾長道寂寞空山浩渺烟
霞道不行兮海有浮槎載歌載笑聊以塞口仙人王喬
則余之友

出歌

橘柚出嘉樹顛叶嘉魚出丙穴源火浣出炎洲良醞出
溜膏甘冰飴雪出閩越芬檇馥櫟出厓門萋菲出輦道
梯稗出籍田

子夜歌

高樓十二重當窓理倩粧明姿詎能掩芳在自然香望
是樓當窓芳是香隨風儂是郎所取非關能冶容自愛
曉日輝凌晨理清眺曉日苦相憐九衢散光曜婉坐懽
懷膝襟袞發紅顏秋露滴芙蓉何處不成蓮自郎有他
心抱持不相助但說勿詒儂看郎眼前視坎軻逢郎心
勉強向儂顧霜下梧桐子漸次離本處西陵蘭蕙草是
妾同心枝平日不相見已被霜風吹何處甜香粉頤角
沾口脂有比蘭蕙草明自戢山來雄鳩歡慕侶飛鳴不
能顧隔山誰點頭傍人豈不覷風雲不易合艱難心自
知他家有荆棘郎不記當時不記相逢時絲髮纒覆眉
延陵望石鼓千里斷悲啼宿昔忤難逢今日悔容易不

如夢中雲能使人長憶腹中陰憶汝開口誤向人攤門
十日雨何處得關情歡本路傍人傍人今作儂臨流問
湍水到底不相逢生在黃檗樹四面苦攢心身本是石
闕不畏悲來侵百沸作蠶絲蠶命生繭中悲絲苦纏繞
垂歿不相通紅顏每易捐日月每易增黃金鑄齒齒那
得蓮子心終日弄殘機獨絲不成匹自恨絲太長繚繞
終如一種花種蘭蕙托根黃檗塢但得春風長不畏多
辛苦相別如昨日相逢未可知投瓊覆塵局碁子何時
來郎如地上塵風至便飛揚海底種芙蓉蓮心幾許長
蓮子著高山何時終成藕儂命如郎心亦恐不長久問
郎郎但應欲訴先作嗔朔風上枯樹持底喚知音儂如

楊柳花著泥便成根歡如楊柳花入水潤浮萍欲歡別
後心看儂別後容不敢窺明鏡羅帶圍成雙

行路難

功名豈足爲不見叢蕙與繁蕭擷芳秋亦萎雉惡春還
高智囊有倉卒造化無童旄男兒筋骨盡富貴聖賢鰲
黑誇功勞南過錦颿涇北汎五湖舟高城霜白要離冢
廊門宵擁鴟夷濤陶朱千金委黃土穀城三略齊蓬蒿
英雄苦恨歲不足年華飄墜心期遙惜陰視日但有老
何不酌酒盈簞瓢

春林初花時百鳥鳴啾啾長梧離披月慘澹但見飛鶴
走空階山有木今木有枝人心有媚安可移門施翟網
無一雀庭著韓爐皆死灰功名在手心戰兢愛惜防檢
畏酒杯一朝蒙棄擲但聞思克伐曾參愚無可奈何
坐忘去喪家之狗爲誰戶小星照我命不猶何能慷慨
爭蛾眉西家思婦夜搗砧敷情激怨誰忍聽瀉水地中
終到海男兒能得幾回情

南箕北有斗

客從長安來良友獨無書封題數行去冉冉知何時客
見故人不故人寧見思客言亦相念客言亦相思貴人
多迫劇麗雜盈公車千士一府朝五日亦來歸阡陌克
九軌轂擊不能馳柳蟬不及鳴槐蠶不及絲庭鳥不及
下蒼蠅不及飛見者登龍門拜者登天衢應接不自暇

音韻通雅卷十一
安知拜者誰庭實何煌煌贄幣旅璠璣長跼請一聆髣
髴生丰姿駿奔鈴閣中佩結墮璜琚但言一問君聽者
神魂移貴人自北斗君自有南箕斗自象斟酌箕下無
糠粃亂中寔且貧音寄空何爲鮑叔與虞卿升沉不獨
俱三復因親言千秋令人悲

擢歌行

戊子北征時剪桐藩潞有詔留司馬遣將樓船三百入都寓目作

皇圖握南紀澤國流湯湯小馬作舟楫揚舫橫大江一解

起自龍虎宅言徂碣石宮江海効清晏安流達神京二解

青虬出溟浦彩鸞飛長甸錦檣對雲時畫艦粉霞倩三解

將軍師雲樓大璫司水殿旟旐分部曲千里若魚貫四解

豹尾曉角鳴荅響屆連城擢歌相激越悲涼厲青天五解

亦有風波民鼓柂滄浪清策艇出葭葦銜尾觀上京六解

錄別詩

海門宿應龍潛霍莫璠與輕生得所敦斯焉其取斯江
館臨飛雲父兄前相持其人與天遠其室安可違嬌子
競清商涕下如縷糜牽衣謀往路榮名策所期仰視星
辰散俯觀江海馳岐路履薄冰綢繆慎須臾且言戒沈
湎且復酌金壘今日當盡醉明日當馳駟

晶晶江水光砉砉春冰裂風波散天壤何時復凝結人
如舳艫艇解維自相失葭葦隔江海流連劣相得心懷
萬里知日無兼辰詰日月御飄風况已如髭雪生還誰
當見零落誰當訣我來三履霜同心再磨滅皆秉神龍

音耶居形卷一
姿同爲盛年客遊子慎旃哉青華愛前轍
轉蓬泣海門少時捐所生一往不知還女子如有行婉
嫵尚歡好汚澣圖歸寧我本良家子慊慊懷遠征青時
背丘壠老大淹浮雲終非鮮兄弟俛仰接他人亮無千
乘爵云胡千古名勸駕重傷離各言保令聞感之雪長
涕披心不能陳賴有盈觴酒悲復得逡巡

擬古詩

淒淒重淒淒戒曉送將征出門無近遠居者卽天垠何
况道路長萬里須臾分海島懷東風隴禽睨西雲音徽
日以絕憂傷日以切遠遊音信斷仰視溪雲缺思君未
遽老空房盈歲月容華坐消鑠征人焉可說

青青澤畔蘭晶晶江潭露矯矯潛龍姿奕奕天衢步陽
陽皓日行暄暄零雲亘昔爲蟠泥韞今爲坎埒涸中情
不見明空珮瓊與璐

堂堂曉日光晶晶栢穗長人生旦暮間貧者積悲涼何
不騁秋駕遊目傾扶桑琬液朝陰暘瓊廢宿春糗負郭
翳窮巷雙闕坐相望舍車責扉履入市行相羊冠帶盈
宛洛羔鴈稀津梁敝裘服羸馬無爲居帝鄉
置酒行高會玉帛紛中堂毛褐見肘骭豈敢過金張良
友幸不遺酌醴薦羣芳玉瓚斟金壘黃流在中央祭酒
先屬客筐篚承笙簧盛禮會風雲布衣非所當雖無斗
升活躡讌極難忘

高樓擬青天，天高正蒼茫。飛甍接遊極，重巖紛綺窓。春
光繞榮廡，秋氣積中唐。佳人獨遺世，紫弦注阿房。乘高
送逸響，幽聲咽虹梁。纖指激柔絲，叫窕生水霜。征雲凝
不逝，皎月淹無光。豈爲懷知音，聊以不永傷。
江水清已寒，芙蓉盛華澤。從知秋氣深，零落橫江白。故
侶何時歸，衆芳多栗烈。歲晏歸何心，豈惟恨離索。
三星下崦嵫，蟋蟀宵征畢。人生歛如燭，榮華逝將訖。連
理不怨枯，所貴同照質。高冬天沈寥，列宿紛翔卽。房精
不服轅，空名連天駟。腕彼腰裏蹄，赤汗霑鳧臆。終古枉
登阨，過都還歷邑。已矣勿長鳴，一顧終誰及。
倚蘭馥岑谷，樵者隔深林。女蘿唐宛轉，松栢高參天。獨

立易以久遠，道難爲親賢。聖抗青冥賤，者恐陸沉浮。雲
翳玄景出，沒變光榮終。風有旋期芳，華不再憑軒。車來
何濡白，日逝何殷君。亮不可期聊，以竭思情。

升車顧衡門，英英樊下薜。焜煌不終晡，凜凜隨風殞。人
生屢盛衰，金石同時盡。惓惓息鄒操，几几居東軫。何如
東家婦，簪扉籍相枕。微躬不遑闕，何能慮鍾鼎。

雖有千年藥，能勝一日憂。千歲日以減，繁憂誰當收。何
况蜉蝣生爲樂，已不勤惡能殉。俗士瞿瞿捐，生平得意
快本懷。待河幾時清，

明月有虧盈，衆星不全奠。况時冬氣高，深天不可憖。兼
葭蕭條蔽嚴霜，厲幽境豈謂古君子。萬里遙相訊，尺帛

數字書言直意已盡長跼再三讀讀終淚如紉止言慎
出話下言絕蹊徑不全莫與都參高天不問
水龍泉菴結夏寄顏質鄉中舍

離別緣侶俗知音乃寂寥獨往甚無籍芳辰自相招簪
筆勒崇嘯采蕨卧東臯下觀流水長上視霄漢高江淮
下滄溟浮雲變昏朝渙浥逐蠅蚋紆身趨市朝垂涎澤
雉肥翹首井蛙驕眷此征途間風電隨奔韶一臂失傳
舍前路迂何遼悲哉白楊樹風雨何蕭蕭惟有王喬侶
可與說逍遙

當陳思王豔歌贈郭建初

馬昇嬌婦宛清揚入塞蔡琰出王嬙危坐枯柳攀柳條

摘芽作飯枝以燒丈夫從軍舅姑老連朝羽檄烽火高
三月不歸想已灰塞下上官按部張綵架奪我柳條仍
詬罵父母饑且病妾當歿妾歿何人報君子含冤愬天
天遠如君門願記盧龍郭小史

鵝鴨行

烹雛鳧魚豢鷺坐君高堂醉醺醪酒到胡床天地寬醒
餘索飽黃粱熟憐君壽不似青天青天自憐亦復然請
看醉中春電歇庭階狼籍柳花眠

當筵歌贈吳幼元

擔簦歸自長安衣裳裂曳闌干置酒召飲東平割羊剝
棗相烹吳君醉欲罵坐行且歌捉君之袂躡其足君勿

歌高歌不和君當奈何投秦明月按劍歸入漢圖書出
金微丈夫一心但自許河清海運何時幾君吹簫從君
吳市號君擊筑從君燕市哭市人掉臂去吾復何局促
貂破中箸飛逍遙兩舌歸歸來更何如手持數行書君
不見樂遊原上草春風披拂青何早相逢道路五陵豪
七香芝盛飄雲藻東門黃犬不堪哀北邙黃土幾人回
英雄消歇意氣盡拂拭偏提歸去來

題沈幼玉侍御史宋人寒鵲圖

薊門先冬已飛雪碣石凌兢天地閉正冥直望燕臺沒
滹沱秃孤桑乾絕金沙晶耀奪白日吹黍難生玉瑄裂
樓桑枯折槐棘空那得薊蘭可擇結獨看梅樹能嬾姍

根抵鍊石高嶺吮繁華煜爍叢莽葺郡鵲望見爭來謹
比翼孤飛翩競集楊翰如雪紛齊入長脰短脰合鳴喙
他山異族何相急銜羽念饑苦未同錦臆毡毳素裳戢
鷹蒼欲化恹不逝鳩巢已據還長貫年華信是戀行羶
莫詫喧闐晏芳歲北地寒深少修竹浮筠旁挺繞如篔
浮筠撲簌空猗猗羣鵲不顧卿何其勁骨肯隨水霰訕
碧毛間覆瓊瑤姿空碯沙飛雲母擊交河日玄琅玕歆
宋人貌此多傷神畫者恐是元豐人沈郎見之發三歎
悱惻授簡資橫陳悲來造化如有意短竹叢梅成北地
春林四面今作冰不知衰鳳來何事

入蘇州

悲風生故地天道走平沙客路愁爲伴窮途醉卽家衝
烟殘柳色倚馬瘦桃花幸有何姬酒堪賒白鼻騮
夜渡閩漳水
更事敦晝夜繁星戴古今獨行如有道愁絕似無心風
急海聲瘁嵐高屨氣滯輟窮人不醉海畔一行吟
秋避山中
稀客懶長孺爲園勞辟疆酒從村婦乞徑爲故人荒江
泛舟迎月秋吟句有霜士貧非失職蕭瑟意何長
東林寺
山藏青嶂底剝吐白雲堆溪上虎猶笑社中蓮正開藤
蘿緣古月流瀑下晴雷自契無生理長歌歸去來

華清宮

長信黃金屋招商白玉渠蓮花虛布地竹葉不迎車紅
霧遮馳道青天達綺䟽離宮多少月偏不照宸居

寄吳客卿太史二首

內院如堯率君王卽大雄部行天祿閣趺坐蕊珠宮說
泐經筵上讐書戲論中蓮池過駘盪魔印久塵封
定月護冠紗光音吐翠華仙莖供研滴侍史散天花梵
字藏中秘歌輪教館娃滄洲濱宦海莫惜寄疎麻

微雨

潤自卿雲降絲飛縠霧重近山輕拂黛遠日乍生虹浴
樹林偏靜蒸花香暗通不知庭草綠靄靄上簾櫳

微霽

淑景凌敲至高齋爽氣生照花增潤澤映日稍分明城
雀遙喧樹樓螢暗出局遽呼雙蠟屐吾欲貌姑行

落第客塞下代盧龍諸將寄京洛相知四首

朔氣厲高秋將軍洗鋤鏤勞雲出塞暗疲馬傍人愁風
色侵重鎧霜威折丈矛貴人能作賦何不自封侯
合甲凋霜色曼何灑血光犀渠猶暴露虎冠已張皇祇
謂策勲急安知對簿長從征元分死刀筆又沙塲

破斧入洛下樓船跨海濱金滕風蘊櫝銅柱日生塵綵
筆詞臣富牙籌吏部貧當時烽火急若箇肯捐身
報國惟四體援枹卽九原洗兵星海色漂杵月支痕聖

主如信日孤臣肯喪元玉關誰望入但願少流言

送忍之清兄入天目

之子南方太環聲過雪溪桃花春自放藥草雨偏齊泐
座高秦望迦音滿會稽何時開六葉一爲止兒啼

亞父墓

君自入關將如何身不王笑談秦失鹿太佳楚亡羊白
壁誰先碎黃河空復長當時絕甬道老大畏鷹揚

經李麗妃陵

夕張佳期迅朝雲昔夢終春生黃竹雪秋起白蘋風氣
接鍾山紫花留桃渡紅祇看藏壑處天上刻芙蓉

碧雲寺泉

秀薄聯雲起清流遶寺飛看泉成五色就樹浣三衣磬
度青城濕杯浮白足歸湯湯蕭瑟意彷彿麗青嶽

融大師百鳥獻花巖

妙巖存古相梵跡寄餘清不見雨花跡猶聞歸鳥聲寒
雲闕溪壑秋樹吐神京物色自如此多情無處生

癸卯九月冬汛出兵海上

据專凌卉服投距躡飛潮弭權經諸國揚舩坐九霄風
隨天將直星遠使臣驕獵取長山鳥羣山歸聖朝

同黃伯傳小龍灣看三十里杏花詩

幽谷春初滿盤臯杏似然連山疎錦障繞澗瀑紅泉雲
煖倉庚化泥香白燕旋鹿車拚荷鍾千載一韶年

又示仲升興周

北地寒何極南冠怨自長青林時見雪紅葉未經霜懸
水宵冰裂滔風野燒黃浪遊不得意空使缺聲涼

將至阻宿城下

歸路數千里斜陽咫尺間角聲斷城堞離恨起鄉關宿
鳥先人入江流背客還月中聽砧杵遊子復何顏

清明自越中被促還東吳

吳山越水冠南冥羊角扶搖下赤城豈料來時盡風雨
更教歸日在清明愁看堤上弄花去俗殺湖邊折柳行
祇是長年勞夢寐兩高峰頂露華清

送徐荊州再守衡州

瀟湘秋漲五峰涯竹馬先期出九嶷楚昔有弓誇自得
君行免冑不須疑香多橘柚迷城郭山向芙蓉倒接籬
到日逢迎誰第一前驅蒼水舊玄夷

支鉏問趙凡夫不值

洞壑增城一徑留遙聞清磬不勝幽浮雲初散主人出
明月未來山氣秋峰石低昂循薜荔野墻宛轉護林丘
依然室邇人偏遠直是天台賦夢遊

答何長人行至河南見別之作

中區淮海滙揚州南紀今同江漢流瓊樹夜光浮甍社
桃花新水漲邗溝爲梁應叱鼃鼉起避繳空慚鴻雁留
別後相思知益苦莫教風雨在迷樓

送李赤渡道人還茅山

莊叟此生原是蝶茅家弟子竝騎龍白雲早歲還鍾阜
丹水何年出句容嘯底烟霞更六代煉成鷄犬住三峰
烏衣巷裏諸王謝誰見清朝有赤松

宿西山

春回黍谷氣初融生事良宵托遠公山鳥夜鳴將吐月
野棠晨笑欲吟風雨收蘭渚浮青玉瀑下花源落彩虹
木末曉鐘助天籟蒼雲應駕楚王宮

詠冰網燈

瑤池瀑布注靈安銀漢迴波織女瀾詎識冰紈光照乘
翻令火樹夜生寒香如豹髓含神霧珠似鮫人泣水端

却下羅幃鑑歌舞月華鸞彩眩闌干
秋飲平則門外呈姚給舍潘馬吳侍御何著作
秋氣由來避蕊宮帝郊物色正籠葱青原霜露供裘馬
紫陌烟塵亘蜿蜒柳葉暗添茅屋雨菊花爭傍酒帘風
誰知野外孤鴻至坎壈悲吟九辨中
春回出守慶陽雜作車更曾
入邊苦憶江南好春色誰知塞上多小婦琵琶隨戰馬
短牆楊柳聽燕歌榆關鶴轡遼城度翰海鴻書碣石過
獨少金莖潤消渴不堪縱酒奈卿何
龍山雲從亭
玉饋山中酒未窮解愁天日若相逢長竿爲出鮫人月

短笛微吟龍女風蓮葉高於三丈石桃花開已十年紅
人間一望蒼烟合情思春深覺轉空

大雷賊劉虞平飲至詩

山城節鉞倚雲隈江浦雷霆動地來部下材官皆國士
帷中素女贍兵才投鞭赤壁流先斷試劍丹陽石自開
欲笑樓船過漢蹕溟濛風雨射蛟臺

晚步宣氏莊山麓

羣峰迴合鳥爭飛曲徑迢迢送晚暉碧岫坐間明月出
青山行處白雲歸幾家茅屋春多酒千壑桃花晝掩扉
何事驅車窮宛洛無人知道去年非

經錢塘江先公戰場

銜石西山羽翼衰射潮無力望天池赤城猶駐揮戈日
蒼水能知血戰時海氣北來寒虎窟江濤西擁怨鴟夷
我來按壘吞聲哭李廣家門數盡奇千鎗外盡奇氣
題武夷
初聞鷄犬異人間漸入青霞細可憐蹊上紅泉無徑路
山中香雨有神仙每逢水盡奇峰出若爲天廻曲道前
一鑑澄潭思千古誰當先掃石爐烟海嶽長觀不自閒
山莊送覺空還五乳供憨公塔
當時休夏五峰陰梵起潭龍似笛吟彼岼南雲千頃雪
下方落日萬池金竹含月影冥幽寺杏吐霞光歛故林
爾踏曹溪得歸路二銖傳衲定中深

還石鏡上築堤引水灌花爲老計或迂之賦以答
藪陰蘭曲意如何暢許牛衣老放歌玄草肯教奇字少
青山能爲野人多落花座上春相借迴渚琴前水自過
不道風光同鹿豕肯令歲月讓烟蘿

福唐葉臺山先生大拜聞喜詩

象載翔交泰龍文飛應乾榮光河九潤佳暈日初璇有
煥深衢室無爲悄恣筵升聞遲協帝恭默正求賢神籙
生山嶽瑤光注海壖福唐天鶴下閩嶠夏鵬騫瑞相俾
崑石植符滙大川挾天胸次濶定命指紋連蘭省探經
富蓬池邁德先金魚銜不借玉鷺夢初圓窻瑣春雲映
宮香暮雨闌銅龍披鶴禁玉女釋麋純桂檝浮靈沼博

桑視錦磚詞頭勒藻黼國手讓蹄筌綠字庖羲漸青藜
太乙然代工宸翰麗納牖秘書詮曉入班升棘宵歸燭
賜蓮聲萃揚北斗師表籍南銓赤日量衡設澄秋水鏡
研璉瑚兼二代桃李序三千雲漢章逾倬微階望益堅
金甌親鞞冕瓊簪叶筵尊熊像圖椒寢鸞緘出桂櫓五
臣同就日一柱獨擎天納麓風雷靜承明日月便真儒
才命世上相業無前負斧題書謹臨軒絕席專苑花卿
月迥溫樹相風妍馴雉來鳩觀鳴騶副鶴駟對敷資廟
筭奉引亞宮鈿少海陪先路勾陳衛曲旃起居新蹇蹇
書記舊翩翩六曲臻周約三章陋漢駢明良琴瑟御謨
烈鼎彝聯敬勝丹書冊艱知七月篇絲言欣拜手袞服

盡隨肩闢路通寒素摠誠格上玄元龜自昆命雕虎敢
分權玉帛齊天會金華戩帝編九疇陳雨霽五石鍊雲
烟作柱狂瀾砥回枯湛露偏歲裁金幣職月損水衡錢
玉券三靈壽嶽圭九錫遘股肱司萬國牙爪護諸邊座
有鴛雛集烽無狼燧傳江山重禹跡天地入堯年搏石
夔居舜和羹說在殷慶雲困鬣鬣氣煖阡綿斟酌天
漿滿招搖斗柄旋平臺題玉貌石室教瓊仙槐柳依行
馬衣冠繞附蟬散奇伴鳳節侍史熱龍涎虹玉腰爲帶
泥金手作牋閣薨交彩殿御水切朱絃禮數人間絕榮
名天保全霞尊致醺醪雲堵奏韶淵河馬呈籤軸山龍
具統縵珮琚雙珩白朝服五時鮮顓俊尊三能神奸鑄

九埏旂常銘泐駕金石備宮懸吐握逢姬旦疎狂劇阮
宣賞音山水遇感義髮膚捐下吏迷懷寶名邦再割鉛
宮中少前席澤畔忘空弦鳴鴈慚供客操豚笑祝田畏
途臂三折泣路眼頻穿壁剛終投楚金兼未築燕貧難
畢婚嫁拙似愛迤邐木石疲精衛榆枋嚇鳥鳶失時悲
市骨飲恨化啼鵲海運蒙莊憊天憂杞客峻幽篁棲殼
食昧谷滯鷺遷土偶行何適匏瓜住亦愆帛書疎建禮
珥筆避甘泉金鉉方持鼎瑜衡念在璿彈冠謝客飾躍
冶負陶甄蘭露朝承飲荷風晚自舉有臺欣樂只無地
望因緣丘壑芳時晏兼葭歲事還逝將老芹曝何用答
埃涓

揚州內少姬至奉筆索詩就贈廣陵三曲

淮海春高秀色催竹西明月引珠胎前生曾是尋源侶
共拾桃花天上來

玉臺纖指印眉黃桃杏初含臉際光裝罷單衫半銖殼
佛前宛轉學燒香

廣陵濤上月初生一片琅玕萬里清未解讀書先問字
瓊花莫是昔人名

范一謨

字季直萬曆丁酉舉人有詩名

遊吳鳳達雲華菴

丘壑平生興飄然到白雲遠嵐憑檻得流水隔窻聞淨
入青蓮宇幽隨野鶴羣一尊開礪石對飲更逢君

下第出都

天涯疾病一身遥歸去征輪愧聖朝歲月揣摩成浪計
江雲冥色總蕭條人思故國驚新柳馬倦長途畏斷橋
歸去弟兄成把臂燈前依舊話長宵

秋病偶值風雨感賦

幽居風雨氣蕭森落木寒花秋色深斷飲甕餘三簞酒
高眠枕借七絃琴疎燈檻外芭蕉影織露堦前蟋蟀吟
起坐黃昏待殘魄誰家猶自擣寒砧

姚之蘭

字汝芳號芳麓明經似葵公之子萬曆辛丑進士除海澄令開九都水利寢采金呂宋之舉返紅夷請市之舟邑人特祠祀之累官禮部郎出守杭汀兩郡皆庚桑弗衰既念母春秋高以終養請詔許之仍曰無有如汀之急公而愛民者晉秩副使以榮其歸公詩集佚于播遷僅按三首

其從孫文燮述之詳矣豈獨公一門之憾事哉

赴鹿鳴宴步

王父感懷詩韻

有序

予家自司李公宦茲皖上悅麻溪山水之秀因
家焉既給諫公繼其業入侍薇省出襄藩臬咸
號貞亮循良適駿有聲嗣是家業式微終貧且
窶衡門蕭瑟儒術不彰我王父慨然痛之開塾
延師鬻產不恤而所志未伸欺侮狎至感懷之
詩所錄作也予小子不敏少習書史罔所知識
家大人暨諸父三人雖聲振黌序而未薦賢書
每感慨係之日呼予于庭下而訓之曰嗟乎而
忘而祖父之志乎言未竟涕泫泫下矣予小子

益自勉勵冀得一當以無羞厥紹屆今歲獲倖
舉于鄉立馬長干旌旗相望鼓吹振振谿水淪
漪憶感懷之詩一以悲一以喜焉因兼慮繼起
者或承榮貴之資席累世之寵乃逸乃諺罔知
先世之艱難使前人功德湮鬱弗宣其謂我王
父何因援筆屬和言之不文亦庶以上述祖德
下訓來茲傳諸異日有所觀覽云時予兩尊人
遠在龍眠音問懸阻白雲在天丘陵自出梁公
之思有同然矣

先臣名刻紫微殊重振家聲敢晏如檻外秋風淮水碧
望中佳氣蔣山孤旌旗欲傍青驄轉笙管遙隨白雁呼
回首層雲鄉信遠龍眠莫似太行無

恩榮宴上步 王父感懷詩韻是科同弟若水偕
成進士故中及之

燒尾羣歌節候殊譽髦今日慶攀如太丘垂教流方遠
小謝偕登調不孤春水桃花魚乍變燕山杏苑燕相呼
願將循吏酬家學敢道龔黃近代無

登浮山

萬壑騰空勢欲浮共君一醉勝仙舟望中流水飄巖岫
疊上風雲伴我遊好鳥亂啼如有識落花無語總成幽
倦來欲去斜陽下短笛一聲天地秋

記癸未冬日先君子于白門儼園偶得叔祖芳麓
公詩一帙可百餘首半屬親筆四伯父尚寶公過

訪小飲先君子出此示之伯父浮大白敬受而去
云俟搜全稿方敢壽梓乙酉伯父以播遷歸山中
嗣亦仙逝熊弟尚在襁褓叔祖詩亦與金陵室中
藏共歸鳥有戊生伯父及覲侯諸兄弟總未之觀
也嗟乎余家世稱能詩即祖父輩所著作余又幸
及見者而猶苦散失况前此者耶又况先輩名賢
子姓淪落者耶書之以誌慨嘆

從孫文燮敬識

戴耆顯

字令微萬曆甲辰進士授禮部主事早慧能
文藻艷秀麗為當時絕唱與兄耆昌庚子同
舉于鄉人以機雲方之惜早卒昌亦先逝公詩有
梳河集今搜若干首以公同好而其兄詩竟無一
存者是又有
幸有不幸也

雪中寄外舅虞部

玄雲何陰陰飛霰彌長薄幽岫封潛穎平楚舞輕籜積
素媚華軒流英綴阿閣凜冽嚴威中姑射失綽約南服
替若茲况乃偏朔漠宵永悵多懷節易感疇昨遥遥薊

北門悠悠河與洛睨彼高原上寂寂渺展屨夫子盛明
德衆樸被丹腹前陳羅瓊璠臂鞬致雕鶚吳姬珠已燦
楚客璞亦鑿獨此居者情焉持慰離索驚飈如可褰晨
風庶有託

射蛟臺咏古

省方歌盛唐望嶽躋天柱川汎肅迴鑾周覽彌遐宇堙
流見方舟殷雷聞伐鼓聯檣儼叢葦揚帆若麗羽介士
雄飲飛期門力格虎前驅役奇相陽侯屬從扈波臣一
不靖奮髻膏相拒發鏃集中流角崩腦斯監衝濤噬戢
威列校盡驕怒高臺肆曠矚天塹恣吞吐鳴榔瀚海滢
彌節昆明浦詎如鄠杜旁擊鮮稱雄武

初晴作

晴雲掩林薄山際澹微曦濯濯池草媚翔翔水禽嬉浮
陽射楹軒隱映紛離披滃漉布餘積蹄泔列前墀高樹
俯清蔭朱英吐傍枝涼風飄以來巾拂何旖旎爽抱達
神契高蹈謝塵姿觀化意悠然何能束常儀
爲邢山人題南郭幽人卷
尋真無遠境一屣聊溷跡悟澹未云遥卽趣良可適近
市寡囂塵入室靡交謫蘊此霞外情迨彼區中責中唐
鬱遐眺憑城望南陌清谿抱郭轉繡隴分疆坼層岫薄
晴空參差映青碧平楚隱連岡高雲綴危石欣賞付長
嘯曠曠當躡屐會心縱條暢觀花忌跼蹐寧畫韓生賈

何藉君平策
弢解任天遊
機息免行役
夙契苟莫違
悠悠遂朝夕

查釋莊遊舒六觀濤嶽之勝慨焉卜居乍病南返

歌以送之

查生何地堪爲客
青鞋布襪情太劇
漢聞梅福梁何胤
徃徃從之卜鄰宅
憶昔草堂夜風雨
余也攘袂生起舞
鐵壺曾擊醉時歌
松枝仍拂譚時麈
長嘯據梧聊隱几
出處浮沉謂誰是
江南江北人無數
白眼處處終相似
挾策探奇春復春
來看南嶽好尋真
卽今病骨陵陽道
篋裏南華可再論

醉歌行飲左生作

郭北春山正淡冶郭外人家翠微下平林慘映半稍雲
流泉澆潯殊飛灑花間葺葉堪爲幄澗底采蘭可盈把
已驚飛絮憐餘春况復清輝足娛人挾客新尊傳酒政
當歌急節起梁塵搔首青天極塊莽興來詆蕩如有神
悲吟攘袂傷刺促睥睨意態何嶙峋主人爲樂稱不足
竊罌羽觴淥水曲花枝飄墮山鳥鳴斜陽欲歛空郊綠
醉裏誰知岍接羅起舞何曾忘鸚鵡未能一飲空滄溟
且須潦倒聊避俗跳梁躑躅何爲乎千秋氣色無時無
亦知蹭蹬憐同病湖海看人那得孤君不見城頭風急
月色暈人歸酒散啼林鳥

括蒼山行放歌二首

扁舟上瀨何潦倒
匹鞮却走巉崑道
層厓絕巘迥造天
宿霧流雲莽虛灑
數傳清谿渺無極
忽斷雙峰露晴昊
大野漠漠圍茆屋
幽壑茸茸蔽秋草
懸泉陡注成春聲
六月新禾已束藁
深澗陰霾凄若雨
絕頂天光澹如掃
已經路澀數疲蹇
更逐炎蒸漸枯槁
踉蹌就蔭足不前
一軟寒泉吻猶躁
靈蹤異境竟安在
策杖空思恣冥討
不能濟勝凌崎嶇
那得探奇豁懷抱
咄哉遊子勿懊惱
遊子倦遊自言難
山人山居自言好
君不見見故山之山
何蒼蒼青葱峭
菑松杉長谿流
宛轉通石竇
洞門疎豁開天光
平臺空半拂雲氣
深林六月凌清霜
何處鐘磬應谷響
忽來鳥鵲鳴風篁
高梧平石

前明屈雅卷十一
坐散髮竹屏花塲臨匡床山翠遠近態不極目前應接
饒幽芳自謂呼吸通閭闔不知此適非濠梁泉聲嵐色
殊不惡何必赤城天姥遙翱翔是處看山亦多致好奇
往往窮遐荒嚴陵釣臺拳石爾軒轅踪跡今蒼茫卽今
杖底遍三島猿驚鶴怨安得忘已拚歸作龍眠長男兒
何須苦笑龜茲王

在濟上寄兄二首

不省經時別真同汗漫遊村城梅入夏風雨麥爲秋信
去慇懃送書來恍惚投無將問歸計來識此淹留
綠樹隔雲疎陰雲碧草除下馬入門使故園前月書里
人誰刻羽鄉吏或懸魚大戴傳經處何如楊子居

南旺湖

古爲陸地云卽大野

異代南湖水猶疑大野名秋風一夕至蘆荻有餘清蕩
漾浮堤靜微茫入檻明時時陰雨裏髣髴魯諸城

泛湖登蜀山亭

泛泛依堤柳行行界白萍檣烏狎風浪水馬泊烟汀石
浸年深碧天空日暮青江南足幽賞清興復茲亭

對雨

春殘猶有閨時儉不須餘伏雨淹寒食浮雲擁索居鶯
花殘裏過車馬病中疎不是萊蕪長爲看釜內魚

廣陵孫遂初年兄邀遊蜀岡賦贈

烟水舊蕪城長風五兩輕草封隋苑古濤帶曲江平形

勝驅遊日提攜仗友生興來隨屐履垂柳聽鶯鳴

登岱四首

冉冉籃輿十八盤
峒峩絕磴迴生寒
崖傳漢鑿俱成字
松說秦封尚守官
阿閣已餐三秀色
飛流遙挂五雲端
中原回首蒼茫際
信有人間路渺漫

中峰雙峙劃天門
幻出危橋勢欲騫
下界虛無淹日月
上方窈窕失朝昏
從來嶽主天孫貴
別有仙人帝子尊
虛宇玄房如可宅
不難丘壑訪仙源

絕頂褰衣氣壯哉
層崑石室俯崔嵬
遙飛海色青冥合
環擁烟霄白練迴
鐘磬靜聞深夜發
樓臺晴見曉光開
虛傳風雨來中阪
星斗親人落酒杯

海日東從夜半生
蒼涼搖曳勢縱橫
諸天欲擁飛霞去
萬嶠俱連曙色平
探海東梁籠隱見
望秦西觀映崢嶸
何須苦憶雲封事
直北清光五鳳城

山莊雜咏

谷口陰森處士家
遠林長薄媚烟霞
看山總遣編籬短
穿徑從令起岍斜
雨近黃梅催秀麥
天開青嶂湧蓮華
到來蕭散成樓託
鎮日從容挽鹿車

舟泊長山阻風

雨過江風起石尤
江邊波浪蕩汀洲
天涯滿目悲行役
遠道依人作去留
平楚欲冥迴落照
浮雲無定逐維舟
迢遙客思何終極
淮海清潮正北流

梅花嶺

小嶺橫通雙徑斜，俯開江郭蔭晴沙。遙分渤海三山色，更假羅浮幾樹花。落日登樓過白鳥，游人拂袂亂青霞。何郎好韻今寥寂，徒倚池臺聞暮笳。

喜報恩塔修成贈雪浪師

浮圖巖巖表長干，弘願深心此地看。毫相再圓珠網影，金輪重聳鬘雲端。簷楹星斗千燈映，鈴鐸天風六月寒。說法已令多寶現，蓮華半席許誰安。

懷清師

竹垣茅舍倚清川，長駐支公講法筵。舌底青蓮元七寶，掌中黃葉也三玄。繡經石案遲斜日，洗鉢谿流度晚烟。

五月征途忽相憶，九旬休夏正安禪。

懷海光居士

誰向幽衢轉法輪，石堂權現淨名身。根從捲葉知亡所，翳入空華表出塵。燃就寶燈千鏡合，懷來明月一珠新。只今到海觀濤意，按指生光可試論。

別南旺李判官二首

垂楊南畔綰行舟，背指青蓮舊酒樓。汶水有情如別駕，分流遙注百花洲。

風流作賦想南征，憐我思歸更此行。若到李侯舊遊地，相思何處寄芳蘅。

擬春閨曲

紅雲寂寂掩闌干繡澁苔紋屈戍寒鎮日藥欄粧閣下
落英如霰不曾看

吳應琦

字景韓號玉華萬曆甲辰進士並任太常博
士丙午分校北闈南宮之役拔十得五擢御

史以蹇蹇為諤諤巡按滇南沐黔國以上公世鎮
茲土幾不知漢大公不為姑息裹國體民命官方
彝情而次第整飭之蠲貢金罷進象銷鹽課免協
濟吏習民安屢疏請代不報尋奉父諱服闋以重
望巡按三輔時宦豎隻手姦橫且倍建武諸常侍
公不吐不茹一以按滇之法行之辛酉監北場南
閉棘雨大注眾議需再舉公不可謂首場無彌封
騰錄對讀事以其地坐試者遂得竣轉大理丞再
晉少卿乞歸陞南大理卿崇禎初推恩三代蔭曾
子因乞休自鈞黨禍起同時臺垣皆與于難公為
臺長獨超然評論之外小人知其不比君子亦諒
共無私家食雖位登九列歆然寒素壽八十有一

奉勅巡滇歸過浮山

繡衣經梓里露冕聽松風遠役亦于役俾躬寧匪躬春

歸塵境外佛在磬聲中野老舊相識環看不避驄

坐石蓮峰用吳兵部韻

峰頂石蓮開巍然傍帝臺色從聲裏出香自味中來廣

以承跌坐高宜照羽杯宦遊難免俗旌節笑莓苔

滇中有懷

南詔春深暮雨昏懷歸畏有簡書存三年鐵面行荒服

萬里冰心答至尊永夜衰親頻入夢何時稚子一迎

門龍眠櫻笋聞無恙短褐黃冠是主恩

滇回住峽山山莊三首

數峰相對澗流長萬里歸人滿鬢霜舊壘燕來巢未改

新疇雨過稻生香苦吟賴有陶潛酒薄宦原無陸賈裝

六詔風烟身歷盡如今丘壑任徜徉
峽口芙蓉一徑幽溪邊蓑笠信風流甘爲屈蠖看遊鹿
謝却乘驄好飯牛老去閒情消白日山中逸興在清秋
從茲北闕書休上數畝瓜田學故侯
不學空門不學仙村居襍穢自年年謀生滿眼看禾黍
懷古隨時問簡編天子青山容老住人歸白社足高眠
但期淡泊成吾志回首風塵意灑然

祝同年閻大叅龍門

曾膺簡命靖邊塵乞得歸來未老身
勒石勲名馳羽檄著書歲月看松鱗
風清竹徑茶烟細暑憩萊階酒政新
我亦行年七十者擬從洛社會耆英

龍眠風雅卷十二目錄

木厓潘 江蜀藻輯

廣陵汪 楫舟次

同里戴 芳令及 叅

劉胤昌 九十四首

龍眠風雅卷十二

木厓潘江蜀藻輯

劉胤昌

字燕及號清永萬曆甲辰進士幼穎異稱神童過目成誦萬言立就為文多奇艷負才傲

世初為臨川令摘伏如神權貴不少貨湯若士有當代名公必欲踞其上而若士亦莫敢與之櫻卒以豪放為忌者所中三改令尹稍遷廷評為詩不假思索衝口而出往往有仙氣間有似香山者非素所規撫也余僅見其遷草觀草遊草三種所著有劉氏類山學庸口義諸書

出都門留別諸公

滾滾陌上塵滑滑車下泥飄飄蘆荻花嫋嫋楊柳枝暉暉日影薄咽咽河流嘶亭亭頭上蓋怯怯手中杯持杯未忍吞戀我好襟期襟期五六月言一心相知忘形透肝胆共體憎鬚眉殷殷勤慰藉切切傾箴規箴規語雖

多大要戒脂韋脂韋失故步故步寧可移矯首看青天
四匝浮雲低群馬悲且號僕子各言私顧此難久留高
揖舉車帷或來牽我裳或來捋我髭飲我以巨醖醖醖
莫教辭對面萬里去去去勞相思
舟次廣川劉觀國計部招飲小龍湫
虛堂敞寥廓不逕達窈窕踈籬護曲欄短閣凭方沼沼
水不盈尺黃蘆間紅蓼中臥白雲郎夙結青山好娛賓
卻絲竹親人習魚鳥我來悵昏黑讌坐垂清曉高談豁
素襟妙義窮玄討語次及羅浮千尋空諸島能留脚力
健不放眼孔小行矣觸風波勝地縈懷抱草草不得醉
卽醉亦草草

守閘

河身細如帶河流澁如棘惜水如惜金得水如得蜜百
人共一步十步不一尺尺步之難且如此而云千里始
一息曉起垂釣得雙鯽小婦手自調薑汁珍惜銀絲莫
莽喫來朝水生未可必

增城有大小流杯石余登之蓋天下第一巧絕處
也朱季美林坦之張維禎吳外閩皆集而黃何
六文學爲主人余因誦坡老流水有令姿之句
遂分爲韻余得流字

平生淡寡營處境百不憂有官添贅厖有身等浮漚性
喜飲美酒獨酌苦不休復抱山水癖探竒恣窮搜增江

前明風雅卷十二
有恠石形容類虎丘亦可坐千人而多岩崖幽曲澗自
天成或云鬼斧修仰承千丈泉驚湍變安流土人不好
事經年罕來遊我行及暮春風日妍且柔結伴得數子
大半高陽儔脫鳥坐曲澗谷風來颼颼呼酒命童子杯
盃任所投擊撞出盤渦迅使惟中溝夷險不一曉譬彼
汎海舟欲去忽復住將沉還能浮徘徊若就人想爲知
已留近者招以臂遠徒伸其喉觀者競拍手我亦眩兩
眸須臾醉狂發再過他山頭視此車前騶正同麋與猴
疾走復善緣我意徒夷猶歎息下山去空坡驅羊牛

釣臺六首

臨江百尺壁並立兩高峰下有釣魚竿上有披裘翁姓

名雖未識物色已不同忽逢漢使者相牽入漢宮

漢家新天子詔覓故人光此間有老翁踪跡頗顛狂終

日坐危石垂絲十丈長所志不在魚山水以徜徉

朝亦一羊裘暮亦一羊裘羊毛已欲落釣竿不肯休一

遭萬乘王引之同臥遊從茲罷釣去荒臺千年留

桐江一縷絲南陽一架犁當其未出日爲龍不爲犧士

固各有志士亦各有時有用有不用誰能分雄雌

許由聞讓帝臨池洗其耳復有巢父牛不飲洗耳水果

哉末之難迫可以見矣咄咄嚴子陵對面傲天子

郡以姓爲號山因驛掩名荒祠在江干千年江水清我

尚滯微祿出門羅網櫻嘆息過祠下日暮孤雲生

土人不識

富春山但
知驛名

滕陽覽古二首

子房素心人弱志無雄才一逢黃石公殺機從此開功
成不受爵辟穀何爲哉帝圖旣已矣神仙骨亦灰
公子形迹人招客乃三千偷兒亦有用何況多才賢救
趙一大事功令女子專英雄異舉止豈爲文法牽

羅浮山戲作此問稚川先生

四百三十二君者孰是丹陽老僊子青精先生主朱明
源泉治者華子期洞天福地兩無分何能鬱鬱久居此
此山南通句曲穴神僊或亦戀桑梓欲覓丹砂求作令
到來却爲婦翁止千年南海行灸姬猶說葛洪妻子是

羅浮列在大荒中只作南嶽佐命使我濤已得副南嶽
軒轅錫命良匪侈便欲將君去任濤亦有浮山如小磴
我居浮山卽比隣蒼藤竹杖時從爾

風雨中揚帆疾趨端州卽同季美登七星岩醉歌

海風壓濤濤壓舟舟高濤伏如安流壚邊酒沸作龍吼
一呼已到青山頭山頭有人似招我手捲螺殼吹塵螺
我也赤脚往尋之不見其人見螺羸螺羸視君我螟蛉
義畫軒圖抵一丁生年四十百無成綠笠青蓑澤畔吟
昨日束腰往報府蠻胥怒隸猛如虎聞我一嘯辟易走
恨不操筆答我股今朝逃出登高臺衝雨衝烟欲破腮
七星墮地化灰堆千年白骨埋蒼苔有酒不飲辜七尺

有官不作反安逸廣州蟹螯大於鼓持螯飲酒面光赤
高歌欲將雨勢敵雨如歌聲如和笛酒酣歌罷雨亦息
返照入江穿石壁作去聲

村店夜半放歌

人囂囂馬蕭蕭風刁刁燈搖搖矮樓容得一張口短榻
舒開七尺腰建陽美酒白如雪玉版新抽冬笋苗一官
已似抱九蛙五載長爲捕鼠猫今日放君君莫焦眼前
世事只如此一醉偷將百慮銷建昌二守南城尹正在
搥鑼叫野燒

富陽江上口號

江風漠漠吹江樹江水茫茫走江霧潮頭來比船頭高
人影去隨帆影度雲脚垂絲雨欲來鼃鼃戲浪逆江迴
六橋只在青山盡不盡青山眼不開

汪公頭上蠅子行

汪公頭上三蠅子一蠅飛墮酒中死二蠅掉翅不復顧
貪生怖死物亦爾劉伶飲酒荷鍾死便埋鄭泉肉骨化
爲陶家餅壘坏古來賢達求以醉死不可得嗟爾得醉
不醉何爲哉

瑞鹿歌

癸丑仲秋三日余以事至龍坪有牡鹿浮大江
而下土人漉致之則生鹿也以爲瑞獻之余奇
而受之畜之邑署作歌紀之

爾不匿爾斑斑之毛爾不戢爾嶽嶽之角虞羅杯且獫
裂齧誰開一面縱爾脫爾胡不疾歸深幽罨藹之巉崑
爾胡不暫走透迤廣行之大壑長江萬里風狂濤惡沙
霾蓋面鼉鼉啣脚雙耳貼波仰鼻以息蹲身奮鬣四趾
予于此時氣盡張兩目微聞喧呼語獨漉九死一躍就
羈絡願膏斧鑕克君腹使君聞此事惻然解其纏世間
禍福機倚伏我墮不測同此鹿我且噉爾以稻梁處爾
以華屋爾勿復思長林豐草之優游爾勿復蹈機穽風
波之棘蹙守分全生深居養福千歲而蒼毫千歲而黑
骨長茲表瑞應圖籙不須更作中原逐

大明山得年字

朱旂在楹鼉在縣黑蜨怒號飛上天玉女初傾洗頭水
岡原倏忽成洪川此時小臣方穆然搥牛醴酒祈豐年
明信格神神喜歡鞭起赤龍殪黑蜨羲和馭輪迴重淵
須臾白虹千尺自空起叫哮而下飲溪泉堆綿噴雪如
彼璇宮玉宇仙人倒挂珍珠簾纖塵不飛日涓涓微風
動樹稻滿田於是迺有公子夙戒之清醕宰夫割擊之
肥鮮饒州磁盞白如雪百盞酌我無休嫌諸生且脫頭
上冠挂在長橋古樹邊解衣盤礴坐危石禮法于我何
有焉谷中簫鼓正喧闐谷外遊人拄杖看看說風流使
君顛流連日暮不知還若教做得西湖長便將公事了

湖船

清平道中

似葉半帆懸如絲百丈牽冥冥烟入浦濶濶野連天拂
岍深蘆拜侵堤側柳眠時時聞聞吏逆客鼓闐闐

再度嶺

歸路重過此驅車趁夕陽秋初猶盛暑雨歇始微涼未
減馬卿病妹無陸賈裝風前看短髮添得數莖蒼

雨止寒甚

野濶亂雲屯山橫勢欲奔風驕初歇雨霧失暫開暎貼
岍輕鯨出爭籬碎雀喧共呼泥滑滑不是學禽言

石屋

中有石棋枰石枕石門
黝黑不可下相傳通海

古洞鬱哈訝平林帶早霞曠叢青苾草壁湧紺蓮花看

局應忘斧尋源欲問槎斲來吾意適高枕卽爲家

符離道中

岍折一潭澄橋危衆水凌夙霜寒泥草初日暖蘇冰士
女趨場集魚羊入市騰凄然感興廢寂寂度車較

新豐市

貰酒向新豐垂楊繫赤驄石林泉脉脉霜草日熊熊門
巷周迴入溪橋宛轉通家家有鷄犬紛籍起青叢

彭城渡河

天子濬河身夫徒十萬人石堤排雉堞沙岍集魚鱗鞭
督勤州吏金錢問計臣十千供一役猶自說艱辛

河間卽事

龍眼風雅卷十二
一鴈卧沮洳編蘆可渡車堡多知路梗碑沒見河淤日
煖黃芽菜冰僵黑鯉魚紛紛小童子雙脚裹蒲苴

遣懷

漸懶親朋怪長貧僮僕安每拚連夕醉寧問隔朝餐倦
或扶藜杖行多傍藥欄所嗟頭漸白小髻不勝冠

題小山石壁

峭壁倚城根羣山盡到門白雲屯几席青薜覆楹軒似
得人林趣都無近市喧時來探幽意結坐已忘言

中隱君酬過余西齋

春思不可禁宴坐看梅開獨樹一鳩語空亭二客來到
稀忘短揖話久出溪杯只是尋常意何爲俗共猜

林生山居

谷小纔容屋山空好貯春有書皆授子無酒亦留賓種
竹近千箇分光與四隣看君飛動意轉覺我爲貧

南溪一帶看桃花

淺綠復深紅春郊訝許同開當寒雨後望入晚烟中關
徑曲穿水編籬遠透峰誰能知此意園叟及村農

左共之侍御邀同何康侯官庶謝無逸山人飲龍

眠別業

蘇李不可作茲山久草萊昔賢圖畫意今爲左思開邀
客看庭樹臨溪坐石苔林泉真我事公等幾能來

潘鎮樸侍御邀同以冲太史共之侍御飲城南別

業

祇是隔門巷過從，殊未能亦知交。不薄無那懶相，仍虛閣憑高柳。危城垂古藤，無嫌歌笑劇。轉憶十年曾

過丁文遠新園

出郭無多地，湖山堆眼前。竹深全隱日，松老不知年。鳥喜窺人語，僧貪選石眠。焚香留客坐，近得主人賢。

九華山青蓮祠

九錫重茲山，高風代幾還。留名寧有意，訪道亦多艱。尤物魂應戀，荒祠僧不開。春秋一杯酒，想像醉開顏。

秋浦逢重客初度

歲歲竹邊醉，今茲客裏過。亦嗟兒女別，無那友朋何。詩

骨年來老鄉，心病後多遲。君生五載霜，髮較婆娑。

初至姑孰將訪胡孟修使君

城郭遶江流，重來憶昔遊。山晴遙見塔，潮落曲通舟。生計資黃綬，天涯笑白頭。當年采石月，猶照謫仙樓。

夏日飲元甫別業

亭閣愜幽尋，參差野逕深。當窻來岫色，面郭散湖陰。酒白傍花架，琴床倚竹林。城中盛炎熱，此地足披襟。

立秋夕飲維嵩園亭時苦旱甚

驚心一葉墮，淒氣散滄洲。况復遠爲客，那堪悲此秋。未聞新穀賤，祇賴故交稠。采石江邊月，時時破我愁。

李君一銓部假還胡孟修使君招同飲龍山館

音賦風雅卷十一
握手憶離別燕臺十載餘山公得休沐啟事近何如鳥
度夕陽沒蟬鳴秋樹疎使君歡未盡五馬亦趨趨

孟修使君招同邵愚公孝廉飲郡齋含清園因得
晤其長公贊侯孝廉

曲屋連溪洞招携酌屢陳主人真好客公子亦情親越
酒青如豆江魚白似銀但知拚一醉不覺露沾巾

別孟修

幸得容棲托溪秋又別歸馬穿楓葉度帆指荻花飛中
路無彈鋏到家能授衣生平知己淚灑向故人稀

梅川署中秋意四首

霜降明朝是梧桐葉半零窓間眠蟋蟀架上立蜻蜓鸚

鵝來江夏鱸魚感季鷹鎖聽官務少醉卧可無醒
老圃吾真是秋來事倍賒剪葵妨灌韭斷壺便鋤瓜霜
落收麻子風寒護荳花誰知蕪吏宅不異野人家
造物能容懶清閒可縱狂攤書常滿案拄板或登床檢
點新茶具添刪舊麪方近來長佞佛二六禮空王
白露驚時序蒼霜感鬢鬚無能撫松菊不忍插茱萸久
逸翻成病宜肥轉益癯近來腰痛甚短策倩人扶

卽事

拚取閒身付小舸酸風澁雨卽停篙紉將蒲葉爲衣帶
拾得蘆花比鬢毛已著露葵旋摘葉未經霜蟹數持螯
莫逢楊柳悲搖落痛飲村沽讀楚騷

音耶風雅卷十二
先與馬君實約同仲秋看月君實舟行甚駛余追
之不得是夕悵然

自捉扁舟纜柳條黃塵飛盡月如瑀鴉翻瓦屋疑形影
雁避沙矰度沈寥南去北來齊盪槳村兒市女學吹簫
期君共作觀濤賦仙舸凌風未可邀

雙雁爲近河人所弋余買得之縱使飛去翼不能
舉蓄之舟中朝夕戲玩爲賦以志感也

尚想南天可避寒清霄集伴下霜灘畏人偏易投羅網
絕命寧辭折羽翰野性未能忘綠浦微生幸得託朱欄
炎荒臘月無冰雪並啄雙棲去不難

挂角寺

罡風碎割切雲冠吹拂梅花片片寒似向雲中騎馬去
擬從天上摘星看懸崖萬里雙峰出古寺千秋一角殘
便可凝眸睇海色白頭騁望淚漫漫

飛來寺相傳自舒州飛來者寺甚剝落

禪扉雙合靄烟嵐絕峽清谿樹影涵白鶴似巢螺頂髻
青松欲破雨花龕玉環久已歸僧鉢金鎖空留挂石潭
飛錫倘能還故里舒州舊徑我曾諳

自飛來峰入靈隱止僧舍小供由此去三竺不遠
僧雲帆治具湖舫誑余遠不可至遂下山矣帆
喜飲酒能與余敵

啜罷羅閣日下春籃輿猶在最高峰一尊湖月遙相待

青耶風雅卷十二
三竺烟霞倏已封香洞留雲時裊裊石梁濺水去滾滾
我來欲覓無生忍羨爾能傳酣聖宗

酣聖淨寺僧也
見袁中郎集

夏日莊居六首

偶出西郊理薄田青蓑綠笠意悠然沿堤插柳拚妨稻
遶屋穿渠儘種蓮歲稔定收陶令秫家貧常辦阮宣錢
遙思帶綬爲官日浹汗掘趨到府前

獨自投壺獨舉觥都無醉醒與輸贏偶因朗月清風出
一到桃谿柳岍行久別親朋猶識面乍歸僮僕不知名
所忻臘月新栽竹雨後旋添四五莖

尋常傍午方能起起卽科頭坐竹林疊石養魚聊適意
剛詩品帖亦勞心客來便酌三升酒興到時搽一曲琴

如此清閒老亦得不嫌白髮日相侵

茅屋蓬門倚郭西新堤近築草萋萋繁陰匝徑桐花落
野水平田稻葉齊旋啟竹林旋召客自燒麥酒自烹鷄
數杯已覺隣翁醉日暮辭歸獨把犁

陶令門前百畝田千株楊柳帶平川圃多蔬菜先嘗瓠
魚滿池塘每得鱣小雨恰臨芒種節微風猶是熟梅天
分畦灌稻無休歇得放閒時卽醉眠

田園舊闢非謀隱夏日涼生數過從偶得奇花旋買鉢
但存隙地卽栽松行吟出每逢漁父學稼歸將問老農
散髮披襟庭樹下更無一事到心胸

傅仲執博士先以詩見投次日攜尊過訪飛觴賭

奕舉座靡然

伏枕經旬病未除
開械何處報雙魚
攜來苜蓿先生酒
過訪柴桑處士廬
豈有琴書供嘯咏
但憑松菊款巾車
看君事事皆無敵
衰懶年來總不如

過訪中隱

十年重到草堂前
塵榻還看爲我懸
家僅數椽仍是借
吟纔一字卽爭傳
才名自昔能推爾
生計于今欲問天
此去莫疎詩酒會
白頭感舊易淒然

自九華歸宿五溪橋用吳客卿太史舊韵

老眼猶疑戀碧霄
凭輿貪得看漁樵
日沉嵐氣生茅屋
風起潮痕上石橋
估客沙邊雙艇集
野僧雲外一燈遙

九峰歷歷杯中見
對月招呼慰寂寥

新寒二首

丹楓一葉銷殘暑
青嶂千層閣暮烟
雲合故知將雨夜
風高疑是欲霜天
書催婦子芻新釀
手課兒童理薄綿
直北不堪回首望
亂帆隱隱是歸船

萬事經營一未成
中宵倍使客心驚
半年踪跡棲僧舍
儉歲饑寒仗友生
始信青山容傲吏
難將白髮待浮名
近來又覺依人倦
擬辦春犁學耦耕

登黃鶴樓

江空天際敞高樓
樓上仙人不可求
一自白雲迷鶴駕
獨留蒼樹鎖漁舟
洲前鸚鵡千年賦
笛裏梅花五月秋

音地 雁牙卷十二
極目長江萬餘里蕭條對酒不勝愁

夏日同張約之袁爾昌萬伯文歐子建集朱季美

清暉館韓孟郁黃元卿後至分得八韻其一竦

字五言排律十六韻

背郭開三徑披林遇數公幽軒臨睥睨爽氣入簾櫳高
樹翻蜩鶯餘陰指蟪蝼覆堦花灼爍隱几竹朦朧密坐
一亭滿高窺四野空有懷塵壚外得意酒杯中窺竇來
新客飛籌任小童歸風翔鶴鶴落日射熊熊漸覺雲光
黑旋添燭影紅星尊重徙倚露坐復從容歌嘯懽逾暢
談諧俗轉工呼盧驕醉態擊鉢競詞雄漠漠天如拭纖
纖月似弓衝泥驚瘦馬辨影數冥鴻並是青雲客偏宜

白髮翁茲遊難再續勝賞竟誰同

其二朋字七言排律二十韻

高士幽居爽氣澄挈來此地避炎蒸草堂有意藏修竹
花架無心引蔓藤逕轉高叢陰習習窻當絕巘翠層層
魚翻碧澗嬉芹藻鴻起青冥遠綴僧作賦溷除皆置筆
藏書卷帙必緘滕好奇自署蒼顏叟佞佛人稱戴髮僧
率爾揮毫皆吐鳳偶然墮墨亦成蠅生來慕古頻搔首
少壯干時每折肱鑄鐵頻頻驅俗客盍簪徃徃得良朋
謫來蜃國甘長徃望到龍門快早登顧我頭顱非昔好
逢君面目轉堪憎半生嬾媿同中散一味清狂彷彿丞
調合七賢猶頡頏詩成一字會憑陵茲方在昔名多詰

音耶屋牙卷一
而輩於今亦代興共羨清揚常楚楚獨憐蒼鬢久髻髻
薜蘿處處牽風入杯酌深深與夜增短榻最宜施夏簟
空盤祗合薦春冰談諧黽謔金初斷醉舞頽唐玉欲崩
寂寂天街人盡散沉沉小院月初升酒闌歌罷清言已
一任歸途款段馮

數日索菊無所得偶得之張秋野人本雖不佳亦
足點綴風景矣三首

落日長河好放船汀頭哢尾逐鷗眠寒空一片皆秋色
除却黃花總黯然
記得官衙種菊時開花無樹不齊眉如今乞向船頭看
短白欹黃三兩枝

村女妝成也不妍短衫秃袖向人前郎君無意求顏色
只說風標近自然

孔雀

余畜一雙惟雄乃有屏春生冬落見人盛衣飾
輒開屏舞僕婢襪縷必往啄之屢試皆然而墜
雅以爲朱雀自矜毛羽妬人盛服形已誤矣
五色圓文金翠多迎尋應節舞婆娑靚粧裱服宜相對
不似時人妬綺羅

白鸚鵡

余養之數年矣頭上淡黃毛一撮大喜大怒輒
開如玉蘭花嘴距俱作純鍊也

曾住宮中號雪兒海南尚得傍瓊枝清霜皎月琉璃架
學唱仙郎白苧辭

五色鸚鵡

從粵中得二隻毛兼五色而赤獨多猶疑是五
色鸚鵡也

絳幘朱衣海外來銜書赤雀莫相猜謝莊自擅江東秀
袁淑非無作賦才

綠斑鳩

綠衣丹喙小半凡鳩初養八趾旋殞其四縱使
飛去數日輒還

翠竹叢中籠不關碧荷池上步閒閒尋常一宿簷前樹

飲啄親人去復還

白鸚鵡

土人云鸚鵡千年變白色非也即秦吉了耳有
赤黑白三種視鸚鵡稍雄大能言一日料奇

寒臯踰海亦飛翔使者重逢劉景陽莫向夷酋誇漢鳥
曾同雪女侍開皇

番禾穀

小鳥來自西番羽毛整潔灰白相間嘴似一塊
紅玉瑯玕成者間月一哺雛每哺輒十餘雛以
大竹籠貯之每籠可畜百頭和媚可愛

楚楚衣裳善媚人輕紅兩喙玉妝成碧窻朱戶筠籠滿

音耳
嘯喞時聞哺子聲

山呼

以音得名宛轉多變聲雌雄隔懸之兩兩相答
丸土爲彈彈之接取巧捷轉相搏擲爲戲也
自譜新歌自唱賡巧呈百戲解人情若逢秦漢登封王
山谷應多萬歲聲

木客

羅浮山五色雀狀似鸚鵡而小一羣常數十輒
有二鐵冠者長之號爲功曹衆視功曹爲飛集
有異客至始來一環翔旋卽飛去山中入亦不
得其巢棲處余一再見之

長守仙人馭鶴臺時因覽德一飛迴遊人漫自誇標格
且看山禽來不來

五距鷄

卽天鷄也一歲一距至五而止羅浮山三更見
月此鷄輒鳴故曰天鷄鳴而天下之鷄始鳴形
色俱如孔雀而小徭獠人畜之如家鷄然一名
玉鷄一名金鷄

扶桑朝旭正三更已唱人間第一聲白澤圖渠作龍種
老獠時或煮藜羹

無底螺

羅浮瀑澗中附石而生後穿如朽殼也手掬之

龍耳風雅卷十二
迺伸縮余携數十枚歸畜之金鯽池中今有存者

無漏翻成有漏因朽形元不朽精神縱然負甲藏睂目
肝膽明明露與人

接臂猿

行羅浮溪林中常有數百爲羣交股接臂緣藤
上樹嗥嘯不常人從樹下行不相驚怖則已稍
取木石投之枯枝敗柯如雨飛下與人相敵人
舉火作烟熏之輒逸去故山行者率種火
絕壑懸崖自有隣嘯歌時復與人親峽中老衲能相認
不與山公作後身

沙溪卽事

處處垂楊繫小槎叢叢竹裏著人家魚罾界破青霞影
水碓春開白浪花

初至淨慈望湖上

入眼湖山大槩奇著些烟樹總相宜不知何處題詩起
攪亂詩腸似藕絲

龍井雜咏

高依銀樹結琳琅不向東家覆苑墻截作老僧香拂子
爲龍或伴費長房

右木香藤

匪石匪金亦匪木無聲無色亦無塵琉璃自熱旃檀火
長供如來清淨身

右碎塵爐

潭底老龍曾結伴
簷前香樹近為隣
何年歛識誇神運
力士輸渠八十人

右神運石

怪底峻嶒聳處尊
飛空巧作亂雲屯
醉來倚嘯雲根下
指點蒼苔碧蘚痕

右一片雲

石池乳滴慢流泉
陸羽茶經品最先
若使親嘗龍井水
中冷康谷漫虛傳

右咏泉

老僧摘葉小僧熏
五百銅錢買一斤
剩得些兒殘箸裏
烹來與客解餘醺

右咏茶

少年船三首

巾子低眉袖子長
妖童艷妓列成行
船頭載酒船梢卧
空著船艙作賭場

郎撥銀箏儂唱歌
搖船盡是美梢婆
一杯一櫓一聲曲
得到湖心月幾多

包家新舫畫樓臺
千貫青蚨雇不來
覓向西湖載西子
一聲齊唱錦帆開

赤壁懷古

百萬豪兵一炬空
小喬初嫁在軍中
英雄得意須酬歎
何必眊眊恨卧龍

古意

妾身家傍學堂居
上大紅完墨建除
村塾初寫上大人
用硃次寫建除等
墨
瓜子磕來人字樣
衫兒摺作一封書

日甲

受便來

古意

可及即開

百萬乘與

秀烈謝古

一德海

已亦... 貴青... 央氣... 不來... 復向... 西陽... 蓬... 西... 平...

新... 師... 山... 且... 然... 參...

百... 乘... 與... 一... 秋... 空... 小... 春... 陽... 海... 軍... 中... 英... 故... 特... 意... 形... 輪... 及...



